



REPUBLIKA E KOSOVËS / REPUBLIKA KOSOVA
REPUBLIC OF KOSOVA

KOMUNA E FUSHË –KOSOVËS / OPŠTINA KOSOVO-POLJE
MUNICIPALITY OF FUSHË-KOSOVË, KOSOVO POLJE



Datë: 16.01.2023

Kryetari i Komunës, bazuar në nenin 68 të Ligjit për Vetëqeverisje Lokale, Nr. 03/L-040, (Gazeta Zyrtare Nr. 28/2008), nenin 17, të Statutit të Komunës, Nr. 98, i datës 17.08.2012, Vendimin e Kuvendit të Komunës Nr. 282 të datës 29.12.2022, bën këtë:

NJOFTIM PËR PJESËMARRJE NË DISKUTIM PUBLIK

Njoftohen qytetarët e Komunës së Fushë-Kosovës dhe të gjithë të interesuarit e tjerë, se diskutimi publik është i hapur nga data 16.01.2023-29.01.2023 për: “Projekt-Rregulloren për Shërbime Publike në Komunën e Fushë-Kosovës”.

Për sqarime dhe konsultime tjera, lidhur me ‘Projekt-Rregulloren e Shërbimeve Publike në Komunën e Fushë-Kosovës’, mund të drejtoheni në ndërtesën e Komunës së Fushë-Kosovës:

- Zyra e Kuvendit të Komunës, kati përdhesë;
- Zyra e Informim Publik, kati i parë dhe
- Drejtoria e Shërbimeve Publike dhe Mjedisit, kati i parë.

Takimi për konsultim publik do të mbahet më datën: 23.01.2023, në orën 13:00h me qytetarë dhe të gjithë të interesuarit e tjerë, në sallën e Kuvendit të Komunës së Fushë-Kosovës, në ndërtesën e Komunës.

Njoftimi për diskutim publik publikohet në ueb-faqen e Komunës së Fushë-Kosovës.

Bartëse e takimeve publike është Drejtoria e Shërbimeve Publike dhe Mjedisit e Komunës së Fushë-Kosovës dhe Grupi Punues.

Përshëndetje!

**Kryetari i Komunës
Burim Berisha**





REPUBLIKA E KOSOVËS / REPUBLIKA KOSOVA
REPUBLIC OF KOSOVA

KOMUNA E FUSHË-KOSOVËS / OPŠTINA KOSOVO-POLJE
MUNICIPALITY OF FUSHË-KOSOVË/KOSOVO-POLJE



Datë: 28.12.2022

Kuvendi i Komunës në mbledhjen e mbajtur më datë 22.12.2022, pas shqyrtimit të Propozimit për Projekt-Rregulloren e Shërbimeve Publike, të hartuar nga Grupi Punues sipas vendimit të Kuvendit të Komunës Nr. 54, të datës 07.03.2022, të shqyrtuar në Komitetin për Politikë e Financa dhe Komitetit për Komunitete, bazuar në nenin 11, nenin 12, paragrafiu 12.2, shkronja (c), nenin 40, paragrafi 40.2, shkronja (a), të Ligjit për Vetëqeverisje Lokale Nr. 03/L-040, (Gazeta Zyrtare Nr. 28/2008), nenin 13, paragrafi 13.6, shkronja (c), nenin 27, shkronja (b), të Statutit të Komunës Nr. 98, të datës 17.08.2012, mori:

V E N D I M

Për aprovimin në parim për diskutim publikë të Projekt-Rregullore për Shërbime Publike në Komunën e Fushë-Kosovës

1. Për aprovimin në parim për diskutim publikë të Projekt-Rregullore për Shërbime Publike në Komunën e Fushë-Kosovës.
2. Projekt-Rregullorja për Shërbime Publike në Komunën e Fushë-Kosovës, e cekur në pikën një të këtij vendimi, parasheh mënyrën e rregullimit dhe ofrimit të shërbimeve publike në territorin e komunës.
3. Pjesë përbërëse e këtij vendimi është Projekt-Rregullorja për Shërbime Publike e Komunës së Fushë-Kosovës.
4. Kryerja dhe mbikëqyrja e procedurave tjera për zbatimin e këtij vendimi dhe mbajtjen e diskutimit publikë, është në kompetencë të Kryetarit të Komunës dhe Drejtorisë së Shërbimeve Publike dhe Mjedisit.
5. Ky vendim hyn në fuqi 15 ditë pas regjistrimit në zyrën e protokollit në Ministrinë e Administrimit të Pushtetit Lokal si dhe publikimit në gjuhë zyrtare në ueb-faqen e komunës.

Akti i dorëzohet: Kryetarit të Komunës, Kryesuesit të Kuvendit të Komunës, Drejtorisë së SHPM dhe Arkivës.

Kryesuesi i Kuvendit të Komunës

Ali Ismaili





REPUBLIKA E KOSOVËS / REPUBLIKA KOSOVA
REPUBLIC OF KOSOVA

KOMUNA E FUSHË –KOSOVËS / OPŠTINA KOSOVO-POLJE/
MUNICIPALITY OF FUSHË-KOSOVË,KOSOVO POLJE



PROJEKT

RR E G U L L O R E
PËR
SHËRBIMET PUBLIKE KOMUNALE

DHJETOR, 2022

Në bazë të nenit 11, nenit 12, paragrafi 12.2 shkronja (c), nenit 17 shkronja (f) dhe (p), të Ligjit nr. 03/L-040 për Vetëqeverisje Lokale ("Gazeta zyrtare e Republikës së Kosovës", 28/2008), në dispozitat të Ligjit Nr. 05/L-087 për Kundërvajtje, neni 12, paragrafi 12.1 shkronja (dh) dhe (l), nenin 13, paragrafi 13.6 shkronja (c) dhe nenin 27 shkronja (b), të Statutit të Komunës së Fushë-Kosovës me Nr.98 të datës 17.08.2012, Kuvendi i Komunës së Fushë Kosovës miraton këtë:

**PROJEKT-RREGULLORE
PËR
SHËRBIMET PUBLIKE KOMUNALE**

I. Dispozitat e përgjithshme

**Neni 1
Qëllimi**

Kjo rregullore ka për qëllim trajtimin e ofrit të shërbimeve publike komunale përmirësimin e kushteve jetësorë të qytetareve, mbrojtjen e sipërfaqeve publike dhe pamjes sa më të bukur të qytetit dhe vendbanimeve tjera.

**Neni 2
Fushëveprimi**

Me këtë Rregullore përcaktohen të drejtat, detyrat dhe sanksionet kundërvajtëse me gjobë për personat fizik, personat juridik, në lëmin e shërbimeve publike në territorin e Komunës së Fushë-Kosovës.

**Neni 3
Përkufizimet**

Komuna "Komuna e Fushë Kosovës, si qeshtë e parapare me Ligjin e Vetëqeverisjes Lokale.

Inspektor-personi përgjegjës për inspektim.

Sipërfaqe publike-konsiderohen sipërfaqet e trafikut publik (rrugët e trafikut publik, stacionet dhe vend ndaljet e autobusëve, hapësirat e pompave të karburanteve, hapësirat e parkingut, sipërfaqet e gjelberta, sipërfaqet për pushim dhe rekreacion, terrenet sportive, tregjet, hapësirat brenda dhe rreth ndërtesave, kinemave, sallat tjera që shërbejnë për takime publike të qytetareve, sheshet dhe varrezat.

Mirëmbajta e pastërtisë- nënkuptojmë pastrimin dhe larjen e sipërfaqeve publike me qëllim largimin e të gjitha llojeve të mbeturinave dhe bores, pastrimin e oborreve, largimin e fekaleve dhe ujërave të zeza, gropave septike dhe mbeturinave tjera.

Hapësira tjera-konsiderohen ato hapësira që nuk janë hapësira publike por që shërbejnë për nevoja të ndërmarrjeve, organeve dhe grupeve të qytetareve.

Minorentët-Fëmijët nën moshën 18 vjeç, të cilët për shkak të moshës dhe pjekurisë së tyre, të drejtat e tyre i realizojnë me mbështetjen e të rriturve.

Neni 4 **Shërbimet publike komunale**

1. Shërbimet publike komunale, në vështrim të kësaj Rregullore konsiderohen:

- 1.1. furnizimi me ujë;
- 1.2. përcjellja dhe pastrimi i ujërave të zeza dhe atmosferike;
- 1.3. rregullimi dhe mirëmbajtja e sipërfaqeve të gjelbëruara publike;
- 1.4. pastrimi i sipërfaqeve publike në vendbanime;
- 1.5. mirëmbajtja dhe rregullimi i sipërfaqeve publike;
- 1.6. ndriçimi publik;
- 1.7. rregullimi dhe mirëmbajtja e objekteve sportive dhe
- 1.8. sinjalizimi, emërtimi dhe numërimi i rrugëve, shesheve dhe hapësirave tjera publike.

2. Mirëmbajtja e përmendoreve, shtatoreve, busteve, simboleve, varrezave, menaxhimi i mbeturinave dhe transporti lokal rregullohen me rregullore të veçanta.

Neni 5 **Objektet komunale**

1. Objekte komunale -publike në vështrim të kësaj Rregulloreje, konsiderohen:

- 1.1. rrjeti i tërësishëm i ujësjellësit dhe kanalizimit me të gjitha pajisjet përcjellëse;
- 1.2. rrugët, trotualet dhe sheshet;
- 1.3. hapësirat për parking;
- 1.4. parqet dhe sipërfaqet publike të gjelbëruara;
- 1.5. terrenet sportive;
- 1.6. përmendoret shtatore, bustet, simbolet dhe varrezat;
- 1.7. rrjeti i ndriçimit publik me stabilimentet përcjellëse;
- 1.8. linjat telefonike, elektrike dhe kabllovi;
- 1.9. njejt sanitare publike;
- 1.10. tabelat për shpallje;
- 1.11. objektet reklamuese – panot, reklamat dhe;
- 1.12. të gjitha objektet tjera të cilat, sipas destinimit që kanë, mund të konsiderohen objekte komunale.

Neni 6 **Shfrytëzimi i objekteve komunale**

- 1. Të gjithë shfrytëzuesit e objekteve komunale, janë të detyruar që ato t'i mirëmbajnë dhe t'i shfrytëzojnë në mënyrën e caktuar sipas dispozitave të kësaj Rregulloreje duke pasur parasysh se pamja dhe gjendja e këtyre objekteve duhet të jenë në funksion të pamjes sa më të bukur të qytetit.
- 2. Qytetarët, subjektet dhe të gjithë shfrytëzuesit e objekteve, janë të detyruar të kujdesen për mbrojtjen e këtyre objekteve, ashtu siç parashihet me këtë Rregullore.

Neni 7

Ujësjellësi dhe kanalizimi

1. Ndërmarrja e ujësjellësit dhe kanalizimit, detyrë e të cilës është furnizimi i rregullt i qytetarëve me ujë të pijshëm, përcjellja e ujërave të zeza dhe atmosferike në rrjetet e kanalizimit, shfrytëzimin si dhe mirëmbajtjen e objekteve dhe pajisjeve të parapara sipas nenit 4 të kësaj rregulloreje kryen :
 - 1.1. mirëmbajtjen dhe sigurimin e të gjitha objekteve , pajisjeve dhe instalimeve të ujësjellësit dhe kanalizimit;
 - 1.2. kontrollimin e përhershëm të cilësisë së ujit për pije, sigurimin e pandërprerë të rregullt dhe kontrollin e parametrave higjieniko - teknik sipas dispozitave ligjore për këtë lëmi;
 - 1.3. ndërtimin dhe rikonstruktimin e objekteve, pajisjeve dhe të instalimeve të ujësjellësit dhe kanalizimit;dhe
 - 1.4. pastrimin e të gjitha pushtave akumuluese për ujëra atmosferike dhe ujërave të zeza, së paku dy herë në vit (në muajin prill dhe tetor).
2. Ndërmarrja, nga paragrafi 1 i këtij neni, të gjitha objektet si dhe instalimet e ujit dhe të kanalizimit, i mirëmban në pajtim me këtë rregullore dhe ligjet në fuqi dhe është e detyruar që t'i mbajë si mjete themelore të veta në shfrytëzim.
3. Ndërmarrja lëshon pëlqime për sigurimin e lidhjes në rrjetin e ujësjellësit dhe të kanalizimit,

Neni 8

Mbikëqyrja e cilësisë së ujit

1. Mbikëqyrjen e cilësisë së ujit e bënë organi kompetent sanitar, sipas dispozitave ligjore dhe i ndërmerr masat me të cilat sigurohet cilësia e kërkuar.
2. Vlerësimin për cilësinë e ujit mund ta jep laborator i ndërmarrjes publike për ujë dhe kanalizim dhe Instituti kombëtar i shëndetit publik i Republikës së Kosovës .

Neni 9

Sigurimi i ujit të pijshëm

1. Ndërmarrja e ujësjellësit dhe kanalizimit, është e obliguar që shfrytëzuesve t'u sigurojë rregullisht ujë të pijshëm , kualitativ si dhe funksionim të rregullt të rrjetit të kanalizimit.
2. Obligimet nga paragrafi 1 i këtij neni pushojnë përkohësisht në këto raste:
 - 2.1 të veprimit të fuqisë madhore;
 - 2.2 të pengesave të jashtëzakonshme teknike të bëra pa fajin e ndërmarrjes;
 - 2.3 të punëve të rregullta ose të jashtëzakonshme për përmirësimin e njejeve të ujësjellësit e të kanalizimit;
 - 2.4 të kryerjes së punëve të reja ose rikonstruktimit të pajisjeve të ujësjellësit e të rrjetit të kanalizimit.
3. Për të gjitha këto raste të furnizimit jo të rregullt me ujë, ndërmarrja të cilës i besohen punët e ujësjellësit dhe kanalizimit, është e obliguar,që përmes mjeteve të informimit publik, t'i njoftojë shfrytëzuesit mbi shkaqet dhe kohëzgjatjen e ndërprerjes së ujit.

4. Me rastin e ndërprerjeve lokale të planifikuara më parë të furnizimit me ujë, shfrytëzuesit duhet të njoftohen së paku 24 orë më herët me datën, kohën dhe zgjatjen e ndërprerjes.
5. Të gjithë shfrytëzuesit e ujit të pijshëm të cilët ujin e marrin nga pusët-bunaret (të cekëta ose të thella) apo në forma tjera nga burimet e ndryshme (qoftë me pompa ose gravitacion) në vendbanimet ku ekziston rrjeti qendror i ujësjellësit, duhet të lidhen në rrjetin publik të ujësjellësit në afat prej një (1) viti, nga dita e hyrjes në fuqi e kësaj rregulloreje.

Neni 10

Furnizimi me ujë

1. Çdo objekt publik, kolektiv dhe individual, do të jetë i furnizuar me ujë nga ujësjellësi publik i qytetit dhe patjetër ta ketë lidhjen e veçantë të ujësjellësit-ujëmatësin dhe rrjetin e veçantë të kanalizimeve.
2. Me rastin e ndërtimit të rrjetit të ri të ujësjellësit dhe të kanalizimit dhe rikonstruktimit të rrjetit ekzistues, investitori është i obliguar që, përveç linjës kryesore të ujësjellësit, t'i kryejë edhe lidhjet deri te linja kryesore e rregulluar në bazë të Planit Zhvillimore Komunal dhe Hartave Zonale .
3. Këto punë duhet t'i kryejë ndërmarrja e ujësjellësit dhe kanalizimit.

Neni 11

Ndërtimi i rrjetit të ujësjellësit

1. Ndërtimin e rrjetit të ri nëpër rrugë, në të cilat ekzistojnë përcjellësit kryesorë të ujësjellësit dhe të kanalizimit, me kërkesën e investuesit i kryen ndërmarrja kompetente për ujësjellës dhe kanalizim, ose nën mbikëqyrje të saj.
2. Ndërmarrja kompetente për ujësjellës dhe kanalizim , obligohet që gjatë ndërtimit të rrjetit të ujësjellësit dhe të kanalizimit t'u përmbahet dispozitave sanitare-teknike mbi vënien e rrjetit të ujësjellësit dhe të kanalizimit.
3. Ndërmarrja kompetente për ujësjellës dhe kanalizim , është përgjegjëse për cilësinë e të gjitha llojeve të punëve rreth lidhjes (instalimit) me rrjetin të ujësjellësit dhe kanalizimit .

Neni 12

Instalimet e rrjeteve

1. Instalimet e ujësjellësit dhe të kanalizimit lidhen në ujësjellës dhe kanalizim, me anë të pajisjeve adekuate të rrjetit.
2. Vënia e nyjave përcjellëse nënkupton bashkimin i rrjetit publik të ujësjellësit deri te ujëmatësi, respektivisht prej rrjetit rrugor deri te linja e rregullacionit.
3. Ndërmarrja e ujësjellësit dhe kanalizimit, do të mirëmbajë rrjetin e ujësjellësit dhe të kanalizimit, bashkë me nyjat përcjellëse të ujëmatësit, respektivisht deri te objekti i parë akumulues i pusëtës.
4. Ndërmarrja e ujësjellësit dhe kanalizimit është e obliguar që ta mirëmbajë në gjendje të rregullt edhe ventilin e parë të ujëmatësit.
5. Çdo objekt i cili kufizohet me rrugët ose sheshin ku është ngritur rrjeti i ujësjellësit dhe i kanalizimit, duhet të jetë i lidhur në rrjetin e ujësjellësit dhe të kanalizimit përmes nyjave përcjellëse.
6. Pronarët që kanë hidro-pompa dhe ata të cilët furnizohen me ujë në mënyrë jo adekuate, si dhe pronarët e njeve sanitare me gropa septike, janë të obliguar që të lidhen në nyjat e rrjetit të ujësjellësit dhe të kanalizimit, gjegjësisht, më së voni, në afatin prej (1) viti nga dita e hyrjes në fuqi të kësaj Rregulloreje.

Neni 13
Dokumentacioni teknik

1. Ndërmarrja e ujësjellësit dhe kanalizimit, i jep shënimet për punimin e dokumentacionit teknik të instalimit dhe të kanalizimit, si dhe të nyjave përcjellëse.
2. Nyjat përcjellëse mund të ngritën në bazë të lejes për ndërtim.

Neni 14
Leja për kyqje

1. Lejen për kyqje në nyjën përcjellëse në rrjetin e ujësjellësit dhe të kanalizimit e lëshon ndërmarrja për ujësjellës dhe kanalizim.
2. Lejen për rrëmihjen e rrugëve, trotuareve dhe të sipërfaqeve publike për vënien e nyjave në rrjetin e ujësjellësit dhe të kanalizimit, e jep Drejtoria kompetente komunale .

Neni 15
Detyrimet e ndërmarrjeve

1. Ndërmarrja e ujësjellësit dhe të kanalizimit, është e detyruar që ta ndërlidhë ujësjellësin dhe kanalizimin primar me rrjetet e ujësjellësit dhe të kanalizimit sekondar nëse këto janë kryer me projektin e lejuar sipas dispozitave dhe kushteve teknike-higjienikë , në afat prej 10 ditësh nga dita e njoftimit se punët përgatitore për lidhje janë kryer.
2. Nëse ndërmarrja për ujësjellës dhe kanalizimi, nuk e kryen lidhjen me kërkesën e palës, atëherë organi kompetent komunal, këto punë mund t'ia besoj individit tjetër juridik ose fizik të autorizuar për kryerjen e këtyre punëve me shpenzimet e marrësit të shërbimeve.

Neni 16
Shpenzimet e kyqjes

Shpenzimet e lidhjes në rrjetin e ujësjellësit dhe të kanalizimit, i bartin shfrytëzuesit e rrjetit të ujësjellësit dhe të kanalizimit.

Neni 17
Ndalesat

Ndalohet kyqja pa leje nga organi kompetent në rrjetin publik të ujësjellësit dhe të kanalizimit.

Neni 18
Matjet e shpenzimeve të ujit

1. Matja e ujit të shpenzuar nga rrjeti publik i ujësjellësit, duhet të kryhet vetëm përmes ujëmatësit.

2. Në rast të prishjes së ujëmatësit, ndërmarrja së cilës i besohen punët e mirëmbajtjes së tyre, do të caktojë shumën paushall të pagesës së mesatares së tremujorit të fundit, deri të kthehet ujëmatësi i rregulluar.

Neni 19 **Pagesat paushalle**

1. Pronarët e objekteve me rrjet të ujësjellësit në të cilin shpenzimet e ujit paguhen paushall, janë të obliguar që në afatin prej 60 ditësh nga dita e hyrjes në fuqi të kësaj Rregulloreje, me shpenzimet e veta ta vendosin ujëmatësin në rrjetin e vet, nëse lejojnë kushtet teknike.
2. Nëse shfrytëzuesi i ujëmatësit nuk e vendos ujëmatësin, në afatin e paraparë në paragrafin 1 të këtij neni, ndërmarrja e ujësjellësit dhe kanalizimit menjëherë do t'ia ndërpresë shfrytëzuesit furnizimin me ujë nga ujësjellësi publik dhe do të kërkojë dëmshpërblimin.

Neni 20 **Vendosja e ujëmatësve**

1. Vendosja respektivisht montimi i ujëmatësve apo ndërimi i të vjetërve e bënë ekskluzivisht ndërmarrja e ujësjellësit dhe kanalizimit në afat prej dyzet e pesë (45) ditësh nga dita e paraqitjes së kërkesës nga ana e shfrytëzuesit.
2. Vendosja e ujëmatësve të rinj, riparimi dhe ndërimi i ujëmatësve të vjetër bëhet me shpenzimet e shfrytëzuesve të tyre.

Neni 21 **Ruajtja dhe mbikëqyrja e ujëmatësve**

Ujëmatësit duhet të jenë të ruajtur dhe mbikëqyrur sipas standardeve të pranueshme dhe të vendosur në vendet e veçanta dhe të mbyllura, të cilat ndërtohen me shpenzimet e investitorit, respektivisht të pronarit të objektit në bazë të udhëzimeve të ndërmarrjes së cilës i besohen punët e ujësjellësit dhe të kanalizimit.

Neni 22 **Sanimi i prishjeve të ujëmatësve**

1. Çdo prishje dhe dëmtim të ujëmatësve, konsumatori është i obliguar që menjëherë ta paraqes të ndërmarrja përkatëse dhe e njëjta është e detyruar që këtë prishje dhe dëmtim ta sanojë në afatin prej 24 orësh.
2. Ndërmarrja e autorizuar është i vetmi autoritet publik kompetent i cili mund i cili autorizoj kompani për kontrollin, sanimin dhe mirëmbajtjen e ujëmatësve.

Neni 23 **Shpenzimet e mirëmbajtjes së ujëmatësve**

Shpenzimet e mirëmbajtjes dhe kryqes në ujësjellës, prej rrjetit të jashtëm të ujësjellësit deri të ujëmatësi i heq ndërmarrja e ujësjellësit dhe kanalizimit, kurse të tjerat i heq shfrytëzuesi i ujit.

Neni 24
Detyrimet e shfrytëzuesve të ujësjellësit

Shfrytëzuesit e ujësjellësit publik, janë të detyruar që me kohë të ndërmarrin masa që instalimet e shtëpive të mbrohen nga prishjet, ngricat dhe të mbahen gjithnjë në gjendje të rregullt.

Neni 25
Pagesat

1. Shpenzimi i ujit paguhet sipas tarifës për 1 m³ ujë. Sasia e ujit të shpenzuar vërtetohet me anë të ujëmatësit.
2. Pagesa e ujit realizohet përmes faturimit mujore.
3. Për shfrytëzimin e ujit dhe të shërbimeve nga rrjeti i ujësjellësit dhe i kanalizimit paguhet kompensimi nga ana e konsumatorëve për ndërmarrjen e ujësjellësit dhe kanalizimit.
4. Tarifën mbi lartësinë e këtij kompensimi e cakton Autoriteti rregullator për shërbimet e ujit (ARRU), nëse me ligj nuk është përcaktuar ndryshe.

Neni 26
Ndërrprerja e Ujit

1. Ndërmarrja e ujësjellësit dhe e kanalizimit do t'i ndërpresë shfrytëzuesit e ujit nga ujësjellësi publik në këto raste:
 - 1.1. kur fatura për ujin e shpenzuar nuk paguhet në afat prej 15 ditësh pas marrjes së vërejtjes me shkrim, se nuk është paguar uji i shpenzuar;
 - 1.2. kur konsumatori paraqet shpërnguljen, ndërsa konsumatori i ri nuk e paraqet ujin e shpenzuar;
 - 1.3. kur meremetimi, pengesat dhe dëmtimet bëhen në rrjetin e ujësjellësit;
 - 1.4. kur instalimi i ujësjellësit i dëmton shfrytëzuesit e vet, përkatësisht cilësia e ujit në rrjetin e ujësjellësit nuk është e mirë;
 - 1.5. nëse gropa e ujësjellësit (vendi ku është bërë lidhja-ujëmatësi) është e ndotur, e mbyllur ose e prishur, ndërsa konsumatori edhe pse i është bërë vërejtja me shkrim nga ndërmarrja, nuk ka ndërmarr veprime për eliminimin e të metave;
 - 1.6. kur dëmtohet apo hiqet bllobla nga ujëmatësi;
 - 1.7. kur vet pronari e rregullon ujëmatësin.
2. Lidhja e serishme bëhet me kompensimin e shpenzimeve nga ana e pronarit.

Neni 27
Lirimi nga pagesa

Ndërmarrja e ujësjellësit dhe kanalizimit, nuk do të kërkojë kompensim për ujin e shpenzuar nga hidrantët publike që shpenzohen për fikjen e zjarreve.

Neni 28

Kujdesi ndaj ujit

Ndërmarrja e ujësjellësit dhe kanalizimit, është e obliguar që ta pengojë çdo derdhje të ujit pa arsye dhe të kërkojë të ndërmerren masa ndëshkimore në pajtim me këtë rregullore dhe ligjet e tjera në fuqi.

Neni 29

Kufizimet dhe zbatimi i urdhëresave

1. Në raste të thatësisë dhe pengesave tjera të furnizimit me ujin e pijes, ndërmarrja e ujësjellësit dhe kanalizimit, është e obliguar që të ndërmerr masa teknike të kufizimit të shpenzimit të ujit.
2. Në këto raste ndërmarrja për ujësjellës dhe kanalizimi do t'i propozojë organeve kompetente komunale, që me urdhëresë të veçantë të caktojë mënyrën e shpenzimit të ujit, kufizimin ose ndalimin e shpenzimit të ujit, për disa konsumatorë të caktuar. Urdhëresën e zbaton ndërmarrja për ujë dhe kanalizim dhe drejtorinë kompetente komunale.

Neni 30

Pëlqimi

1. Përmes hidrantëve të rrjetit të ujësjellësit publik, ujin mund ta marrin vetëm ndërmarrjet dhe subjektet tjera, të cilat për këtë e kanë pëlqimin paraprak nga ndërmarrja e ujësjellësit dhe kanalizimit, në koordinim me organin e Drejtorisë përkatëse komunale.
2. Njësia e zjarrefikësve ka të drejtë të marrë ujin nga ujësjellësi publik gjatë intervenimit në fikjen e zjarreve.
3. Të gjithë shfrytëzuesit tjerë të ndërmarrjeve apo personat fizik të cilët marrin sasi të caktuara të ujit për kryerjen e ndonjë pune ndërtimore e të ngjashme, duhet patjetër të kenë leje të posaçme nga ndërmarrja e ujësjellësit dhe kanalizimit. Shfrytëzimi i ujit nga rrjeti i hidrantëve publik, rregullohet me kontratë të posaçme, ndërmjet ndërmarrjes dhe shfrytëzuesit.

Neni 31

Mirëmbajtja

Ndërmarrja e ujësjellësit dhe kanalizimit, është e detyruar që rregullisht të mirëmbajë dhe ta bëjë pastrimin e përcjellësve dhe të pusëve për kanalizimin e ujërave fekale në mënyrë që në çdo kohë t'i përgjigjet destinimit të tyre.

Neni 32

Riparimet

1. Ndërmarrja e ujësjellësit dhe kanalizimit, është e obliguar që pas punëve të kryera ndërtimore siç është lidhja, intervenimet në prishje dhe ndërrimit të gypave, terrenin (vendin e punimeve) duhet ta kthejë në gjendje të mëparshme.

2. Obligimi nga paragrafi i mëparshëm bie në barrë të shfrytëzuesit, respektivisht të investuesit, nëse këto punë i kryen vetë (rrëmihja dhe mbulimi i vendit ku është kryer lidhja).
3. Kryesit e punëve (personat juridikë dhe fizik), menjëherë pas kryerjes së punëve, në afatin të cilin e ka caktuar organi kompetent me rastin e dhënies së lejes për lidhje, janë të obliguar që materialin e tepërt ta mënjanojnë nga rrugët, trotualet, sipërfaqet publike dhe terrenin ta kthejnë në gjendjen e mëparshme.

Neni 33 **Mbrojtja e rrjeteve**

1. Gjatë shfrytëzimit të rrjetit të ujësjellësit dhe kanalizimit ndalohet:
 - 1.1. hedhja e mbeturinave, hirit, çimentos, rrërës e fundërrinave tjera të ngjashme në rrjetin shtëpiak të ujësjellësit dhe të kanalizimit, të cilat mund të shkaktojnë prishjen dhe dëmtimin e funksionimit të rregullt të pajisjeve të ujësjellësit dhe të kanalizimit;
 - 1.2. në përcjellësit e ujit të rrugëve të derdhen lëndët e ngurta e materiali tjetër;
 - 1.3. që në ujëmbledhës të hedhen mbeturinat nga pastrimi i oborreve dhe shesheve;
 - 1.4. derdhja në kanalizim të ujit dhe lëngjeve tjera, temperatura e të cilave është më e lartë se 35°C ose me përmbajtje të thartirave të dëmshme të alkaleve dhe të kripërave;
 - 1.5. derdhja e ujërave fundrinore pa lejen e ndërmarrjes së cilës i besohen punët e ujësjellësit dhe të kanalizimit;
 - 1.6. hedhja e materialit ndezës i cili mund të shkaktojë zjarr;
 - 1.7. parkimi i automjeteve apo vënia e materialit ose mbeturinave në dhe mbi objektet e ujësjellësit dhe të kanalizimit;
 - 1.8. të bëhet çfarëdo dëmtimi në objektet e ujësjellësit dhe kanalizimit.
 - 1.9. ndalohet ujitja e kopshteve-oborreve dhe
 - 1.10. ndalohet derdhja e ujit në rrugë, trotuare me qellim freskimi.

Neni 34 **Gjelbërimi publik**

1. Me qëllim të ruajtjes dhe mirëmbajtjes së sipërfaqeve të gjelbra dhe zgjerimit e kultivimit të këtyre sipërfaqeve në territorin e qytetit, vendbanimeve dhe fshatrave, ato në mbikëqyrje dhe në mbrojtje, në mënyrën si është përcaktuar me këtë Rregullore, parashihen:
 - 1.1. sipërfaqet publike të gjelbra: rendet e drunjve, gjelbërimi i ambientit në lagjet e banimit, gjelbërimi afër rrugëve të trafikut;
 - 1.2. pjesët mbrojtëse të lagjeve në qytet dhe në para lagjet e qytetit, në vendet e banuara dhe në zonat industriale (pjesët mbrojtëse të gjelbërimit dhe të sipërfaqeve tjera ujore), përveç tokës dhe mbrojtëse pyjor, e cila është pjesë përbërëse e sistemit për mbrojtje nga vërshimet;
 - 1.3. sipërfaqet e gjelbra të ndërmarrjeve, organizatave e subjekteve tjera;

- 1.4. sipërfaqet e gjelbra me destinim të veçantë dhe të dobishëm (gjelbërimi rreth varrezave, rreth objekteve kulturore historike dhe objekteve tjera me rëndësi);
 - 1.5. sipërfaqet e gjelbra për sport dhe rekreacion (oborret e shkollave, ushtrimoret, terrenet sportive, qendrat, vendet për rekreacion e të ngjashme) dhe objekteve komunale;
 - 1.6. gjelbërimi i oborreve të shtëpive, të vendeve për vikend, hapësirave të kampeve, lokaliteteve turistike dhe shëtitoreve.
2. Dispozitat e kësaj Rregulloreje nuk kanë të bëjnë me pyjet, tokën bujqësore dhe pjesët e natyrës për të cilat aplikohen dispozita të veçanta.

Neni 35 Kontrolli

1. Gjelbërimi i sipërfaqeve në vendet e porsandërtuara, parashihet me projektet e ndërtimeve të reja dhe bëhet me anë të kontrollit profesional të organit kompetent të Komunës.
2. Zgjerimi dhe ngritja e sipërfaqeve të reja, bëhet me anë të projektit mbi ndërtimin dhe rregullimin e sipërfaqeve të reja në harmoni me Planin Zhvillimor Komunal, Hartat zonale të Komunës dhe Plane Rregulluese të Hollësishëm.

Neni 36 Planifikimet

1. Projektet e të gjitha objekteve që do të ndërtohen në pjesën e Komunës, në vete duhet të përfshijnë edhe planet dhe skicat e tokës për gjelbërim, të cilat sipas lokacioneve u takojnë atyre objekteve.
2. Projektet të cilat nuk i kanë planet - skicat për gjelbërim, do të konsiderohen si jo të plota dhe nuk mund të lejohen.
3. Nëse lejohet ndërtimi në kundërshtim me paragrafin 1 dhe 2 të këtij neni, përgjegjësia bie mbi organin i cili e ka lëshuar lejen ndërtimore.

Neni 37 Harmonizimi i planeve

Të gjitha planet - skicat e gjelbërimit duhet të jenë të harmonizuara me planin e gjelbërimit të Komunës, respektivisht me konceptet e Hartave zonale Komunale dhe Planeve rregulluese të Hollësishme, për të cilat duhet të kujdeset projektuesi, respektivisht investuesi.

Neni 38 Punimet

1. Investuesit janë të detyruar t'i kryejnë punimet rreth gjelbërimit të tërësishëm të lokacioneve, para se të bëhet pranimi teknik i punëve ndërtimore dhe të punëve të tjera nëpër objekte investive.
2. Komisioni për pranimin teknik të objekteve, është i detyruar që njëkohësisht të bëjë pranimin teknik të punëve të gjelbërimit.

3. Sipërfaqet e gjelbëruara në mënyrë jo të rregullt në tokën e urbanizuar ndërtimore, shfrytëzuesi do t'i gjelbërojë në pajtim me dispozitat e kësaj Rregulloreje, më së voni në afat prej 6 muajsh nga dita e hyrjes në fuqi të kësaj rregulloreje.

Neni 39

Marrja e Lejes mjedisore komunale

Para se ta bëjë gjelbërimin e sipërfaqeve të parapara me këtë rregullore, shfrytëzuesit e tokës janë të obliguar që të marrin Lejen mjedisore komunale sipas procedurave të U.A për Leje mjedisore komunale me Nr .01.2017 .

Neni 40

Mbrojtja e sipërfaqeve publike

1. Punët rreth gjelbërimit, siç janë: Kultivimi i drunjtë, mirëmbajtja dhe mbrojtja e sipërfaqeve publike dhe sipërfaqeve tjera të gjelbërta, në pajtim me dispozitat e kësaj rregulloreje, i kryejnë pronarët dhe ndërmarrja kompetente.
2. Të drejtat dhe obligimet lidhur me kryerjen e punëve nga paragrafi 1 i këtij neni do të rregullohen me kontratë.

Neni 41

Afati për gjelbërim

1. Nëse shfrytëzuesit e tokës nuk e bëjnë gjelbërimin në afatin e caktuar sipas paragrafit 3 të nenit 40 , organi kompetent i komunës do ta urdhërojë ndërmarrjen kompetente, që ta bëjnë gjelbërimin me shpenzimet e shfrytëzuesit.
2. Shfrytëzimi i sipërfaqeve të gjelbra publike jashtë destinimeve të tyre themelore, mund të bëhet në rastet kur këtë e kërkon interesi publik, me pëlqimin/lejen e organit kompetent komunal.

Neni 42

Vendosja e shportave për mbeturina

Ndërmarrja kompetente në bashkëpunim me organet komunale është e obliguar që neper parqe, sheshe dhe vende tjera, të vendos dhe të mirëmbajë shportat për mbeturina të imta dhe të ulëseve për pushim.

Neni 43

Instalimet nëntokësore

Vendosja e instalimeve nëntokësore (objekteve të ujësjellësit dhe të kanalizimit, linjat elektrike, telefonike, internetit, kabllorë e të ngjashme) në sipërfaqet e gjelbra, bëhet në distancë prej 2 metër, nga fidani ekzistues, por me lejen paraprake nga organi kompetent komunal , për hapjen e tyre dhe duke

obliguar investuesin që ta kthejë në gjendjen e mëparshme, sipas kushteve të përcaktuara në leje dhe ne projekt.

Neni 44

Detyrimet e ndërmarrjes lidhur me mirëmbajtjen e gjelbërimit

1. Ndërmarrja kompetente ne bashkëpunim me organin kompetent komunale për mirëmbajtjen e gjelbërimit është e obliguar:

- 1.1.** që menjëherë t'i largojë të gjitha pengesat për shkak të ndikimit të kushteve natyrore atmosferike ose nga shkaktarët tjerë;
- 1.2.** që barin e kositur si dhe materialin e mbetur ta largojë nga sipërfaqet e gjelbëruara publike ne destinacionin adekuat për këto mbeturina .

Neni 45

Evitimi i pengesave

Degët e rritura të drunjve në sipërfaqet e gjelbra publike, të cilat pengojnë kabllo ajrore (rrjetin elektrik, telefonit ,internetit ,kablovikit e të ngjashme) duhet të shkurtohen ose të evitohen vetëm nga ana e ndërmarrjes së cilës i besohen punët dhe e cila është e obliguar te pajiset me leje nga organit kompetent komunal , nëpër të cilat kalojnë kabllo e ndryshme me kompensimin nga pronari i kabllove.

Neni 46

Vlerësimi i dëmeve

Dëmet e bëra në sipërfaqet e gjelbëruara nga ana e personave juridik dhe fizik, me kërkesën e ndërmarrjes së cilës i janë besuar punët e mirëmbajtjes së gjelbërimit, do të vlerësohen nga ana e komisionit të cilën e emëron organi kompetent komunal për shërbimet komunale.

Neni 47

Njoftimet

Ndërmarrja kompetente për mirëmbajtjen e gjelbërimit me lejen e organit kompetent është e obliguar që në vend të dukshëm, t'i vendos vërejtjet apo ndalesat të cilat kanë të bëjnë me këto sipërfaqe.

Neni 48

Veprimet e ndaluara

1. Në sipërfaqet e gjelbëruara publike ndalohet:

- 1.1.** këputja, shkujla dhe prerja e drunjve dekorativ, barit dhe bimëve të tjera, thyerja e degëve apo fidanëve e të ngjashme;

- 1.2. vozitja dhe parkimi i automjeteve (i të gjitha llojeve) si dhe shkarkimi dhe deponimi i çfarëdo materiali në këto sipërfaqe;
- 1.3. dëmtimi i ulëseve, shportave, rekuizitave, kalimi për këmbësorë jashtë shtigjeve, hidrantëve dhe instalimeve tjera;
- 1.4. largimi, djegia, dëmtimi i shenjave dhe mbishkrimeve paralajmëruese.
- 1.5. shfrytëzimi i sipërfaqeve publike dhe të tjera të gjelbëruara jashtë destinimeve të tyre themelore ose kryerja e çfarëdo veprimtarie në to pa lejen e veçantë;
- 1.6. vendosja dhe derdhja e çfarëdo lënde dhe materiali nëpër drunj dhe në pjesët tjera, pa lejen e organit kompetent për punët komunale;
- 1.7. rrëzimi dhe zhvendosja ulëseve, rekuizitave sportive, rrethojave e të ngjashme;
- 1.8. shtrirja dhe qëndrimi nëpër sipërfaqe të gjelbëruara;
- 1.9. lëvizja jashtë rrugicave të shënuara për këmbësor;
- 1.10. lëshimi i ujërave të zeza nëpër parqe dhe sipërfaqe tjera publike;
- 1.11. keqpërdorimi i ujit në fontana (hyrja në to, larja e personave dhe gjësendeve, turbullimi i ujit dhe hedhja e fundërrinave e mbeturinave tjera);
- 1.12. gjuajtja e shpezëve dhe kafshëve jashtë vendeve dhe kohës së caktuar;
- 1.13. kositja dhe largimi i barit nga sipërfaqet e gjelbëruara pa lejen e organit kompetent për punë komunale;
- 1.14. vendosja e luna - park, cirkut dhe rekuizitave tjera, pa lejen e organeve kompetente komunale;
- 1.15. shfrytëzimi për kullosa të kafshëve dhe shpezëve shtëpiake;
- 1.16. ndezja e zjarreve dhe djegia e gjetheve në ambiente të hapura me qëllim ose nga pakujdesia;
- 1.17. hedhja e shtazëve dhe shpezëve të ngordhura dhe fundërrinave të tjera;
- 1.18. mihja, hapja e puseve, mbjellja e drunjve etj për çfarëdo destinimi, pa u pajisur me leje nga organi kompetent komunal.

2. Veprimet e ndaluara në paragrafin 1 të këtij neni, vlejné edhe kur bëhet fjalë për pronën private.

Neni 49 Sipërfaqet publike

1. Sipërfaqet publike, sipas kësaj Rregulloreje, konsiderohen ato sipërfaqe, në të cilat është i lejuar qëndrimi i pakufizuar i personave, siç janë:

- 1.1. sipërfaqet e trafikut publik (rrugët dhe sipërfaqet tjera për trafik, trotualet, rrugicat dhe sipërfaqet tjera publike);
- 1.2. stacionet e autobusëve, vendqëndrimet, depot e karburantit dhe hapësirat për parkim;
- 1.3. sipërfaqet publike dhe të gjelbra, (parqet, sheshet e vogla, drurët, sipërfaqet me bari, sipërfaqet për pushim dhe rekreacion);
- 1.4. terrenet argëtuese dhe sportive (stadiumet, fushat e sportit, çerdhet etj);
- 1.5. sipërfaqet me ujë (brigjet afër lumit, pishinat) etj;
- 1.6. tregjet (tregjet e gjelbëruara, të bulmetit dhe të kafshëve), vendet për grumbullimin e prodhimeve bujqësore, të qumështit dhe të kafshëve;

- 1.7. sipërfaqet e hapura ndërmjet dhe rreth banesave, si dhe tokat e pa ndërtuara (trojet, vendet për shkarkim dhe oborret, fasadat, kulmet e ndërtesave të banimit);
- 1.8. sallat e kinemave, teatrove dhe të tjera, të cilat shërbejnë për tubime publike të qytetarëve;
- 1.9. varrezat dhe hyrjet në varreza.

Neni 50

Rrugët

Rrugët janë sipërfaqe publike sipas përkufizimit të Ligjit për rrugët.

Neni 51

Mirëmbajtja e rrugëve

1. Rrugët mirëmbahen në gjendje të rregullt dhe shfrytëzohen sipas destinimit të tyre.
2. Ndërmarrja e autorizuar për mirëmbajtjen e rrugëve lokale, është e obliguar që të gjitha dëmtimet nëpër rrugët e trafikut dhe trotuare, t'i evitojë si dhe t'i mbajë ato në gjendje të rregullt.

Neni 52

Kufizimi i lëvizjeve të automjeteve

1. Në sipërfaqet e rrugëve të shtruara me shtresën e asfaltit, ndalohet lëvizja e të gjitha mjeteve transportuese dhe të tjera të cilat mund të dëmtojnë rrugën, siç janë: makinat me zinxhirë, llojet e ndryshme të makinave ndërtimore dhe mjetet tjera të ngjashme.
2. Transporti i makinave dhe i mjeteve tjera që e dëmtojnë rrugën, mund të bëhet vetëm me mjete transportuese të veçanta. Njëherësh, ndalohet qarkullimi i automjeteve me peshë të rëndë mbi peshën e lejuar në ato rrugë.

Neni 53

Trotuaret

1. Trotuaret janë sipërfaqe publike të cilat shfrytëzohen për ecjen e këmbësorëve.
2. Shiriti i rrugës shfrytëzohet për lëvizjen e mjeteve të komunikacionit.
3. Sipërfaqet e tjera publike si: sheshet, sheshet e vogla, parqet dhe të ngjashme, shfrytëzohen në bazë të destinimit të tyre.

Neni 54

Ndalimi i shitjeve në trotuare dhe sheshe

Në sipërfaqet e trotuareve dhe të shesheve të vogla publike, nuk lejohet shitja dhe vendosja e gjësëndeve për zhvillimin e ndonjë veprimtarie pa lejen e organeve kompetente komunale.

Neni 55

Leja për ngarkim dhe shkarkim të mallit

1. Shkarkimi i mallit nëpër trotuare, bëhet vetëm atëherë kur kjo nuk mund të bëhet nëpër oborret e ndërtesave, respektivisht të hapësirave punuese.

2. Malli duhet të largohet menjëherë nga trotuari, e më së voni në afat prej një ore, pas shkarkimit të mallit.
3. Trotuaret dhe sheshet e vogla, mund të shfrytëzohen për shkarkimin e mallit dhe të materialit për ngrohje vetëm me lejen paraprake të organit kompetente komunal për rrugë.

Neni 56

Afatet për shfrytëzim të sipërfaqeve publike

1. Të gjithë personat fizikë dhe juridikë në harmoni me dispozitat e kësaj rregulloreje, janë të obliguar që t'i shfrytëzojnë trotuaret, shiritat e rrugëve dhe sipërfaqet tjera publike.
2. Nëse gjatë shfrytëzimit të këtyre sipërfaqeve sipas paragrafit 1 të këtij neni, shkaktohet dëmtimi i tyre, shfrytëzuesit janë të obliguar që të njëjtat t'i kthejnë në gjendjen e mëparshme, me shpenzimet e veta.
3. Vendosja e objekteve të përkohshme lëvizëse në sipërfaqe publike, mund të bëhet nga 01 maji deri më 30 shtator, me leje nga organi kompetent komunal.
4. Ndalohej hedhja e dheut, rrëës, gurëve dhe materialit tjetër nëpër trotuare, sheshe të vogla, rrugë dhe sipërfaqe tjera të lira publike.

Neni 57

Pëlqimi

1. Për ndërtimin e objekteve komunale, të ujësjellësit dhe të kanalizimit, të rrjetit elektrik dhe telefonit, rrjetit kabllor dhe të internetit e të ngjashme, mund të lejohet gropimi i shiritit të rrugëve dhe trotuareve.
2. Gropimi i trotuareve dhe shiritit të rrugëve sipas paragrafit 1 të këtij neni mund të bëhet me Pëlqimin e organit kompetent komunal.
3. Rregullorja me të cilën lejohet gropimi i trotuareve, shiritit të rrugës dhe të sipërfaqeve publike, përveç kushteve të tjera, përmban edhe obligimin e shfrytëzuesve, respektivisht të investitorit, që shiritin e rrugës dhe trotuarin ta kthejnë në gjendje të mëparshme.
4. Pjesa e rrëmihur e rrugëve dhe trotuareve rimbushet vetëm me zhavorr e jo, me dhe.
5. Organi kompetente komunal, para dhënies së pëlqimit për gropimin e rrugëve shesheve të vogla dhe të sipërfaqeve tjera publike, do të kërkojë që investitori më parë ta paguajë taksën për gropim të paraparë me Rregulloren për taksë komunale.

Neni 58

Ndriçimi publik

1. Të gjitha rrugët kryesore të qytetit, por edhe në fshatra dhe vendbanime të tjera, gjatë natës duhet të jenë të ndriçuara, nëse për këtë lejojnë kushtet teknike:

- 1.1. Vendet e trupave ndriçues për ndriçim publik, duhet të jenë të vendosura ashtu që mundësojnë ndriçimin e tërësishëm të rrugëve, sipas normativave të përcaktuara.

- 1.2. Shtyllat e ndriçimit publik duhet të jenë stabile në pozitë vertikale në mënyra që të mos cenojnë sigurinë e kalimtarëve dhe të pasurisë, shtyllat duhet të jenë të mbrojtura nga aspekti i elektricitetit, përkatësisht kapakët e siguresave duhet të jenë në gjendje të rregullt për mbrojtje nga lagështia në çdo kohë.
- 1.3. Të gjitha rrugët (primare dhe sekondare) si dhe rrugët me rëndësi më të vogël në të cilat është vendosur ndriçimi publik, duhet të jenë të ndriçuar natën me ndriçim optimal.
- 1.4. Ndriçimi optimal i rrugëve mund të reduktohet pas orës 24h në mënyrë automatike dhe me përqindje të uljes së dritës, ose në mënyrë selektive (një po një jo ose një po dy jo) deri në mëngjes.

Neni 59 **Mirëmbajtja e ndriçimit publik**

Për ndriçimin e rrugëve, ndërrimin e llambave të djegura dhe mirëmbajtjen e rrjetit ndriçues në gjendje të rregullt, do të kujdeset ndërmarrja të cilës i besohen punët e mirëmbajtjes së ndriçimit publik.

Neni 60 **Punimet në rrjetin publik**

Kryerjen e punëve në rrjetin publik elektrik , telefonik,kabllovik e te internetit dhe te ngjashme do ta bëjë vetë ndërmarrja e autorizuar nga organi publik kompetent.

Neni 61 **Veprimet e ndaluara**

1. Veprimet e ndaluara janë:

- 1.1. thyerja, djegia ose në mënyrë tjetër dëmtimi i instalimit elektrik publik, instalimeve elektrike, shtyllave, kabllove, rrjetit të telefonit, rrjetit te internetit dhe kabllovikit, mjeteve izoluese, trafo stacioneve dhe rrjeteve tjera te ngjashme .
- 1.2. kryerja e punimeve në dhënie e lidhjeve për pajisjet shtëpiake, apo çfarëdo lidhje tjetër nga rrjeti i ndriçimit publik, shtyllave të instalimeve tjera, si dhe kontakti me to i personave të paautorizuar.

Neni 62 **Firmat dhe reklamat**

1. Të gjitha subjektet që merren me biznes, janë të obliguara që të vendosin firmën në hapësirën punuese dhe atë ta vendosin në pjesën e jashtme të hyrjes kryesore të lokalit, në të cilën veprojnë dhe punojnë.
2. Vendosja e firmave, reklamave dhe të ngjashme nëpër muret e ndërtesave në hyrje të rrugëve, në qytet, në parqe dhe në vende të tjera publike, mund të bëhet vetëm me leje nga organi kompetent komunal.

Neni 63 **Mbishkrimet e firmave ndriçuese**

Mbishkrimi i firmës duhet të jetë i shkruar dhe i lexueshëm. Mbishkrimet e firmave ndriçuese ose jo ndriçuese dhe reklamat, mund të vendosen vetëm në bazë të lejes së dhënë nga ana e Drejtorisë kompetente komunale.

Neni 64 **Afatet e harmonizimit**

Mbishkrimet e firmave ndriçuese dhe reklamat, duhet të harmonizohen me dispozitat e kësaj rregulloreje në afat prej 6 muajsh pas miratimit të saj.

Neni 65 **Mirëmbajtja e reklamave**

1. Pronarët e firmave me mbishkrime dhe reklama ndriçuese, janë të obliguar që t'i mbajnë ato në gjendje të rregullt dhe te pastër.
2. Mbishkrimet e firmave ndriçuese duhet të jenë te ndezura gjatë natës, prej momentit të ndezjes deri në momentin e fikjes së dritave të ndriçimit publik.

Neni 66 **Vendosja e mbishkrimeve në vend punishte**

1. Në punishtet e objekteve në ndërtim e sipër të hapësirave punuese dhe në objektin i cili renovohet ose adaptohet si punues, duhet të vendosen mbishkrimet e firmave ndriçuese sipas dokumentacionit teknik të lejuar.
2. Pronarët, gjegjësisht shfrytëzuesit e hapësirave punuese janë të detyruar që mbishkrimet e firmave ndriçuese t'i mbajnë në gjendje të rregullt.
3. Në rast transferimi ose ndalimi të punës, pronarët e hapësirave punuese janë të obliguar që mbishkrimet e firmës t'i largojnë.
4. Kontrollin inspektues e bënë organi kompetent komunal.

Neni 67 **Kriteret e reklamave**

1. Tabelat, mbishkrimet e firmave, reklamat dhe të ngjashme mund të ndërtohen nga materiali që garanton sigurinë e ndriçimit.
2. Ndalohet vënia e firmave varëse, jo stabile. Firmat ekzistuese varëse patjetër duhet të zëvendësohen ose mënjanojnë në afat prej 60 ditësh prej ditës së hyrjes në fuqi të kësaj rregulloreje.
3. Kontrollin inspektues e bënë organi kompetent komunal.

Neni 68
Kontrolli institucional

1. Nëse organi i administratës komunale, kompetent për punët e inspeksionit, vërteton se mbishkrimi i firmës nuk është vendosur ose nuk është në pajtim me dispozitat e kësaj rregulloreje, do të marrë vendim me të cilën do të obligohet subjekti afarist që mbishkrimin e firmës ta vendos në atë mënyrë si është e paraparë me rregullore.
2. Nëse shfrytëzuesi nuk vepron sipas Vendimit, vendosja e mbishkrimeve të firmave dhe largimin e mungesave të vërtetuara, do ta bëjë organi kompetent dhe shpenzimet për këtë do t'i bartë subjekti afarist.

Neni 69
Ndërtesat dhe pamja e jashtme e tyre

Pronarët e ndërtesave dhe shfrytëzuesit e ndërtesave, janë të obliguar që personalisht ose me anë të ndërmarrjes së autorizuar për mirëmbajtjen e pastërtisë dhe të higjienës, të ndërmarrin masa gjegjëse lidhur me pastrimin dhe mënjanimin e çfarëdo dëmtimi në linjën e ujësjellësi, kanalizimit dhe ndriçimit në hapësirat e përbashkëta në ndërtesë.

Neni 70
Eliminimi i prishjeve

Nëse, në ndërtesë për shkak të prishjes së kanalizimit derdhen ujërat e zeza dhe ujërat atmosferike, në lokale të përbashkëta e të ngjashme, shfrytëzuesit-pronarët e lokaleve apo ndërtesave janë të obliguar, që me shpenzimet e veta t'i eliminojnë prishjet në rrjetin e kanalizimit dhe ujësjellësit.

Neni 71
Mirëmbajtja e jashtme e objekteve

1. Pamja e jashtme e ndërtesës (fasada, ballkoni, dyert, dritaret etj. pa marrë parasysh destinimin e tyre, shfrytëzimin apo pronësinë), patjetër duhet të mirëmbahen në pajtim me pamjen estetike dhe pamjen e ndërtesës, në përputhje me kushtet e përcaktuara nga organi kompetent komunal.
2. Pronarët e ndërtesave dhe shfrytëzuesit janë të obliguar që fasadat dhe detajet e fasadave (ballkonet, tarracat, ulluqet, tabelat dhe numrat e banesave e të ngjashme) të mirëmbahen, pastrohen, ngjyrosen, dhe të përgatiten, ashtu që gjithmonë të jenë në gjendje të rregullt dhe ta kenë pamjen estetike.
3. Për pastërtinë dhe rregullimin e objektit nga paragrafi 2 i këtij neni, janë të obliguar të kujdesen shfrytëzuesit e banesave dhe shfrytëzuesit e tjerë të hapësirave në pajtim me rregullat e rendit shtëpiak dhe të ndërtesave banesore, ndërsa për rregullimin dhe pastërtinë e pjesëve të jashtme të ndërtesave tjera, do të kujdesen shfrytëzuesit e hapësirave në ato ndërtesa ose ndërmarrja e cila drejton ndërtesën dhe pronarët e ndërtesës.

Neni 72
Kujdesi ndaj objekteve dhe hapësirave për rreth

1. Oborret e ndërtesave dhe të lokaleve, duhet të mbahen në gjendje të pastër dhe të rregullt.
2. Për pastërtinë dhe rregullimin e objektit, nga paragrafi 1 i këtij neni, janë të obliguar të kujdesen shfrytëzuesit e banesave dhe shfrytëzuesit e tjerë të hapësirave, në pajtim me rregullat e rendit shtëpiak dhe të ndërtesave banesore, ndërsa për rregullimin dhe pastërtinë e pjesëve të jashtme të

ndërtesave tjera, do të kujdesen shfrytëzuesit e hapësirave në ato ndërtesa, ndërmarrja e cila drejton ndërtesën dhe pronarët e ndërtesës.

Neni 73

Pastrimi dhe mirëmbajtja e objekteve dhe hapësirave për rreth

Pronarët e ndërtesave, respektivisht shfrytëzuesit e sipërfaqeve jo të ndërtuara, si dhe qiraxhinjtë e hapësirave afariste, janë të obliguar që t'i pastrojnë ndërtesat dhe sipërfaqet rreth ndërtesave, respektivisht të sipërfaqeve jo të ndërtuara të cilat i shfrytëzojnë ata.

Neni 74

Veprimet e ndaluara

1. Ndalohet hedhja e mbeturinave në hapësirat e përbashkëta: korridore, shkallë, ashensor e të ngjashme.
2. Ndalohet lëshimi i ujit dhe të ngjashme për larjen e ballkoneve me qëllim të pengimit të fqinjëve apo të tjerëve.
3. Ndalohet lirim i tymit, çagjës, avullit, kundërmimit të rendë, gazrave toksike etj, nga ndërtesat, lokalet punuese, tymtarët, gjeneratorët etj, në afërsi të ndërtesave banesore dhe afariste shumëkatëshe, veçanërisht në afërsi të ballkoneve, fasadave, dritareve, tarracave dhe hyrjeve në korridore e në shkallë.
4. Ndalohet kryerja e punimeve pas orës 19 deri në 8 të mëngjesit, si dhe në ditët e vikendit dhe në ditë të festave.

Neni 75

Marrja e masave

1. Organi kompetent komunal, me Vendim mund t'i urdhërojë personat përgjegjës për mirëmbajtjen e pastërtisë dhe të rregullsisë së pjesëve të ndërtesave, që t'i eliminojnë mungesat dhe pengesat menjëherë apo në një afat prej 48 orëve.
2. Nëse obliguesi nuk vepron sipas Vendimit, ndaj tij do të merren masa sanksionuese sipas kësaj rregullore.

Neni 76

Rreziku i mundshëm

1. Ndërtesat dhe objektet e tjera të cilat nuk mund të shërbejnë për destinimin e vetë dhe japin një pamje jo të mirë, për arsye se janë vjetruar dhe mund të rrezikojnë ose paraqesin rrezik për jetën dhe shëndetin e njerëzve, për trafik ose objektet fqinjë, duhet të rrënohen ose të riparohen .
2. Vendimin mbi rrënimin, respektivisht riparim e merr organi kompetent komunal për punët e ndërtimit.
3. Nëse pronari, respektivisht organi kompetent komunal qeverisës ose personi tjetër i autorizuar,(përveç rasteve kur aktet ligjore ne fuqi e parashohin ndryshe) nuk e rrënon ndërtesën,

respektivisht objektin tjetër në afatin e caktuar me vendim, rrënimin do ta bëjë organi kompetent komunal dhe shpenzimet për këtë ia faturon obliguesit sipas vendimit.

Neni 77

Vitrinat

Të gjithë shfrytëzuesit e objekteve të saponduara afariste dhe të ndërtesave banesore me hapësirat afariste, të cilat janë paraparë për shfrytëzim për nevojat vetjake ose për dhënie të tyre me qira, janë të obliguar që vitrinat, para fillimit të përdorimit, të bëhen ashtu siç parashihet me projektin e ndërtesës.

Neni 78

Rregullimi i vitrinave

1. Shfrytëzuesit e të gjitha hapësirave afariste në qytet dhe në paralagjet e qytetit, janë të obliguar që vitrinat t'i rregullojnë në mënyrë estetike dhe profesionale.
2. Lëndët të cilat shërbejnë për ekspozim, duhet të jenë të pastra dhe të padëmtuara dhe çmimet e shkruara (te vendosen në vendet e dukshme) me material të njëjtë në të gjithë artikujt.
3. Nëpër vitrinat mund të vendosen reklamat e prodhimeve dhe shërbimet e shfrytëzuesve ose të ndërmarrjeve me të cilët shfrytëzuesi është në lidhje afariste.
4. Shfrytëzuesit e të gjitha hapësirave afariste dhe pronarët e tyre janë të obliguar që të vendosin orarin e punës.
5. Mbishkrimi vendoset në derën hyrëse të hapësirës afariste, shitores-lokalit, në pjesën e brendshme.

Neni 79

Mirëmbajtja e vitrinave

1. Shfrytëzuesit e hapësirave afariste janë të detyruar që vitrinat t'i mbajnë pastër dhe në gjendje të rregullt.
2. Në rast të zhvillimit të punëve në adaptimin, rikonstruktimin, regjistrimin e të ngjashme, vitrinat duhet të jenë të mbuluara nga shikimi i kalimtarëve dhe atë në mënyrën më të përshtatshme.

Neni 80

Adaptimi i vitrinave të vjetruara

1. Pronarët, respektivisht, shfrytëzuesit e ndërtesave afariste dhe të hapësirave afariste në qytet dhe në para lagjet e qytetit janë të obliguar që t'i adaptojnë ose ti zëvendësojnë vitrinat e vjetruara të cilat e shëmtojnë pamjen e ndërtesës.
2. Inspeksioni komunal, vërteton vjetërsinë e vitrinës dhe përcakton mënyrën e adaptimit të hapësirës afariste sipas paragrafi 1 i këtij neni, respektivisht e obligon shfrytëzuesin e hapësirës në lidhje me adaptimin ose zëvendësimin e vitrinës.
3. Lejen për adaptimin e vitrinës e lëshon organi kompetent komunal
4. Vitrinat, skarat etj. të nxjerra jashtë murit të lokalit dhe në trotuar, të cilat i pengojnë kalimtarët, duhet të tërhiqen në afat prej 3 muaji, nga dita e miratimit të kësaj Rregulloreje. Pas kalimit të këtij afati, inspektori jep urdhër me shkrim për largim. Nëse prapë nuk bëhet largimi, atëherë nxjerr

vendim për mbylljen e lokalit dhe, me shpenzime të pronarit, angazhon ndërmarrjen përkatëse për largimin e pengesës në trotuar - rrugë.

Neni 81 **Rrethojat**

Të gjitha rrethojat në sipërfaqe publike pa marrë parasysh pronësinë, mund të ndërtohen vetëm në bazë të pëlqimit për atë lokacion nga organi kompetent komunal .

Neni 82 **Mirëmbajtja dhe mënjanimi i rrethojave të vjetra**

1. Pronarët e rrethojave të vjetra, janë të detyruar që në afatin prej një viti nga dita e hyrjes në fuqi të kësaj Rregulloreje, t'i mënjanojnë ato dhe në vend të tyre të vendosin rrethojat e tipit të caktuar, sipas pëlqimit të organit kompetent komunal .
2. Nëse ndërtimi i paraparë i rrethojës së tipizuar, kërkon mjete më të mëdha materiale, organi kompetent komunal mundet përkohësisht të lejojë që në vend të rrethojës së tipizuar të vihen rrethojat prej druri të gjelbër, por që ato të mirëmbahen deri në vendosjen e tipit gjegjës të rrethojës.
3. Të gjitha rrethojat duke i përfshirë edhe rrethojat e gjelbra, duhet të mirëmbahen në gjendjen e cila nuk e prishë pamjen e përgjithshme të asaj pjese të vendbanimit.
4. Rrethojat e gjelbra duhet të mirëmbahen ashtu që mos të kalojnë vijën e rregulluar dhe të mos pengojnë trafikun publik. Deri te momenti i formimit përfundimtar të rrethojës së gjelbër mund të shfrytëzohet si mbrojtëse rrethoja ekzistuese.

Neni 83 **Panët, tabelat e shpalljeve**

1. Të gjitha llojet e shpalljeve, lajmërimeve, pllakateve, monitorëve reklamues elektronik, dhe reklamave të tjera , përveç vitrinave të teatrove dhe të kinemave, mundet të vendosen vetëm në vendet e caktuara (panotë).
2. Organi kompetent komunal do të caktojë numrin të vendeve për panotë dhe tabelat e shpalljeve, me kërkesën e personave juridik dhe fizik.
3. Për mirëmbajtjen e panove dhe tabelave të shpalljeve do të kujdesen pronarët e tyre.
4. Për shpalljet më të vogla dhe lajmërimet për anëtarë të organizatave të ndryshme politike, kulturore dhe organizatave sportive, mund të vendosen vitrinat e vogla ose tabelat e shpalljeve në vendet e përshtatshme në afërsi të hapësirave vepruese ose afariste të atyre organizatave.
5. Vitrinat duke përfshirë edhe vitrinat e vogla nuk mund të vendosen nëpër fasada të hapësirave afariste, nëpër shtylla, ndërtesa banesore, si dhe vende tjera publike.

Neni 84 **Veprimet e Ndalura**

1. Publikimi i të gjitha llojeve të shpalljeve, pllakatave, e të ngjashme, si dhe vendosja nëpër drunjt dekorativ, rrethoja të objekteve, mure dhe fasada, shtylla elektrike, shtëpiza të

transformatorëve, orman elektrik dhe pajisje të internetit, në shenjat e komunikacionit e të ngjashme.

2. Vendosja e panëve dhe të reklamave nga ana e organizatave dhe të qytetarëve , pa lejen e organeve kompetente komunale .
3. Vendosja e përkohshme e panëve reklamuese dhe të tabelave të shpalljeve në vendet publike, nëse e njëjta krahas kërkesës nuk ka të bashkëngjitur edhe skica ose projekt me përshkrimet teknike, i cili përmban shënimet mbi madhësinë dhe vendet ku do të vendoset dhe mbi periudhën kohore të vendosjes.

Neni 85

Gropat dhe pusetat në rrugë

1. Për sigurinë e kalimtarëve dhe sigurinë e lëvizjes në trafik duhet që :
 - 1.1. të gjitha gropat dhe pusetat e të ngjashme në rrugët, sheshe, oborre, bodrume, korridore dhe në vendet e ngjashme duhet të jenë të mbyllura.
 - 1.2. pusetat për ujësjellës dhe kanalizim, për kabllot elektrike , telefonike, kabllorë dhe te internetit dhe të ngjashme gjithnjë duhet të ndërtohen dhe të mirëmbahen në gjendje të rregullt.
2. Për mirëmbajtjen e gropave, pusetave etj. nga paragrafi 1 pika 1.1 i këtij neni janë të obliguar që të kujdesen pronarët, respektivisht shfrytëzuesit e pasurive të paluajshme të cilëve u shërbejnë, ndërsa për gropat nga paragrafi 1 pika 1.2 e këtij neni, janë të detyruara të kujdesen ndërmarrjet të cilat e ushtrojnë atë veprimtari.

Neni 86

Mirëmbajtja e gropave dhe pusetave

1. Gropat dhe pusetat e të ngjashme të përfshira me këtë Rregullore, duhet të mirëmbahen rregullisht dhe të mbahen të mbyllura me mbulesë adekuate të sigurt.
2. Gjatë kohës së përdorimit, gropat duhet patjetër të rrethohen dhe të shënohen me shenjë që shihet mirë dhe sipas nevojës të mbyllen mirë që të mos e pengojnë sigurimin e kalimtarëve dhe te trafikut.

Neni 87

Terrenet sportive

Terrenet dhe fushat e sportit janë sipërfaqe publike të lira ku mbahen aktivitete sportive me qëllim të organizimit të garave dhe të argëtimit.

Neni 88

Leja për terrenet sportive

Terrenet sportive dhe objektet sportive, nuk mund të shfrytëzohen pa lejen paraprake të organit kompetent komunal.

Neni 89

Shfrytëzimi dhe mirëmbajtja e terreneve sportive

1. Terrenet për sport dhe argëtim (stadiumi, qendra sportive-rekreative, fushat e sportit dhe hapësirat e objektet e ngjashme) duhet të mirëmbahen dhe pastrohen rregullisht, për të cilat kujdesen organet, personat juridik dhe individët të cilët këto objekte i shfrytëzojnë dhe i mirëmbajnë.
2. Në hapësirat dhe objektet sipas paragrafit 1 të këtij neni, duhet që në vend të dukshëm të vendosen në formë të shkruar udhëzimet higjienike dhe teknike mbi punë në këto hapësira dhe terrene.
3. Vizitorët janë të obliguar që t'u përmbahen udhëzimeve dhe dispozitave sipas kësaj rregulloreje .

Neni 90

Veprime e Ndalura në terrenet sportive

1. Kapërcimi i rrethojave të terreneve sportive dhe të qendrës sportive rekreative dhe hyrja në terren.
2. Hipja ose mbështetja në rrethojat e terreneve sportive dhe të qendrave sportive dhe rekreative.
3. Kullotja e bagëtisë në terrenet sportive dhe terrenet tjera sportive rekreative.
4. Të gjitha veprimet tjera me të cilat dëmtohen terrenet sportive dhe qendrat sportive e rekreative.

Neni 91

Shënimi i rrugëve dhe i objekteve

1. Të gjitha rrugët duhet të kenë të shënuar në këndet e tyre, tabelat me emërtimin e rrugëve ndërsa, ndërtesat dhe shtëpitë duhet të kenë numrat e tyre.
2. Shënimet me emërtimin e rrugëve, shesheve dhe hapësirave tjera publike, si dhe shënimet e ndërtesave, shtëpive dhe të trojeve bëhen nga ana e organi kompetent komunal.
3. Shpenzimet sipas paragrafit 1 dhe 2 të këtij neni bien në barrë të buxhetit të Komunës.
4. Për të gjitha çështjet tjera të cilat lidhen me emërtimet e rrugëve, shtëpive, ndërtesave dhe banesave zbatohen dispozitat e Ligjit për sistemin e adresave.

Neni 92

Evidenca

Organi kompetent komunal , mbanë evidencën mbi rrugët, emërtimin e tyre dhe numrat e shtëpive e banesave dhe kryen ndërrimin me kohë të evidencave të nevojshme.

Neni 93

Kriteret

Organi kompetent komunal do të jap formën, madhësinë dhe ngjyrën e tabelave për shënimin dhe emërtimin e rrugëve dhe të shesheve, të tabelave me numër të shtëpive dhe banesave , do të caktojë mënyrën e shënimit dhe do të ketë evidencën në pajtim me nenin 92 të kësaj rregullore.

Neni 94

Objektet publike dhe higjienike

Të gjitha ndërtesat, objektet hoteliere, (hotelet, motelet e të ngjashme) objektet për mbarëvajtjen e shfaqjeve, ligjëratave, hapësirat e klubeve, stacionet e autobusëve dhe objektet tjera të ngjashme, duhet patjetër të kenë më shumë nyje sanitare të ndërtuara në pajtim me dispozitat për kushtet higjienike-teknike.

Neni 95

Mirëmbajtja nyjeve sanitare

1. Nyjet sanitare në ndërtesat e kinemave, teatrove, lokaleve të klubeve, në objektet hoteliere, nëpunëtori me prodhime ushqimore, në terrenet sportive, nyjet sanitare në vendet tjera publike duhet të jenë të gëlqerosura në çdo 90 ditë, nëse nuk janë të ngjyrosura me ngjyra të yndyrshme ose nuk janë me pllaka qeramike ose prej materialit të ngjashëm.
2. Dezinfektimi i nyjeve sanitare në objektet hoteliere, në kinema, spitale dhe nyje sanitare- publike, bëhet për çdo ditë, ndërsa në objektet tjera çdo 7 ditë.
3. Gjatë verës, nyjet sanitare sipas paragrafit 1 dhe 2 të këtij neni , çdo 7 ditë duhet të spërkaten me mjete dezinfektuese.

Neni 96

Kriteret për gropat septike

1. Gropat septike duhet të ndërtohen jashtë ndërtesave dhe të jenë të larguara nga muri i jashtëm i ndërtesës dhe të ndërtesës fqinjë më së paku 10 metra.
2. Gropat septike mund të ndërtohen nga çimentoja, ose betoni me material special dhe duhet të jenë patjetër të lyera me mallter çimentoje dhe të izoluara.
3. Gropat pa tjetër duhet të jenë të mbyllura hermetikisht me pllakë betoni, guri ose metal.
4. Gropat septike nuk mund të ndërtohen në trotuare dhe në sipërfaqe tjera publike.
5. Lejen për ndërtim e jep Organi kompetent komunal në bazë të pëlqimit të inspektorit sanitar.

Neni 97

Riparimi

Organi kompetent komunal, mund të caktojë me vendim, mënjanimin e nyjës sanitare dhe të gropës septike dhe jep urdhër që të ndërtohet e reja, nëse ajo nuk është ndërtuar sipas kushteve të parapara me dispozitat e kësaj rregulloreje dhe nëse paraqesin rrezik për rrethinën në pikëpamje shëndetësore , higjienike dhe mjedisore .

Neni 98

Lejimi për gropimi në sipërfaqeve publike

1. Sipërfaqet mund të gropohen, në bazë të lejes së organit kompetent komunal, me rastin e vendosjes së rrjetit të ri të ujësjellësit, të kanalizimit, të rrjetit telefonik, elektrik të objekteve të sinjalizimit në trafik, pastaj lidhur me ndërlidhjen e ndërtesave dhe objekteve të tjera në rrjetë si dhe për mirëmbajtjen e instalimeve të këtyre objekteve (në tekstin e mëtejme pajisjet komunale).
2. Ndalohet çdo gropim dhe çdo dëmtim i sipërfaqeve publike nga personat fizik dhe juridik pa lejen e organit kompetent komunal.

Neni 99

Lejimi për mihjen e sipërfaqeve publike

1. Kompanitë përgjegjëse me lejen e organit kompetent komunal, në sipërfaqet e lira publike mund të bëjnë edhe mihjen për vendosjen e objekteve të përhershme ose të përkohshme, siç janë: shtyllat, panot, reklamat, ormanët për vendosjen e pajisjeve të internetit, telefonit, elektrikut, tabelat e shpalljeve e të ngjashme.
2. Objektet nga paragrafi 1 i këtij neni, mund të mbesin edhe pas skadimit të afatit për të cilin janë vendosur, nëse shërbejnë për zbulimin e qytetit dhe nëse për to merret leja nga organi kompetent komunal.

Neni 100

Meremetimi i sipërfaqeve të grupuara

Sipërfaqet e grupuara publike duhet menjëherë të meremetohen dhe të kthehen në gjendjen e mëparshme.

Neni 101

Evitimi i dëmeve

1. Evitimi i prishjeve në pajisjet komunale dhe gropimi i sipërfaqeve publike, mund të bëhet nga ana e ndërmarrjeve të cilat kujdesen për këto pajisje dhe atë vetëm në raste kur kanë ngjarë prishjet dhe duhet urgjentisht të evitohen.
2. Në këtë rast, ndërmarrja e cila e ka bërë gropimin është e obliguar që menjëherë ose më së largu ditën e parë të punës ta njoftojë organin komunal kompetent për gropimin e sipërfaqes publike dhe njëkohësisht të kërkojë lejen për gropim.
3. Nëse organi kompetent vlerëson se evitimi i prishjes nga paragrafi 1 i këtij neni, nuk ka qenë i natyrës urgjente, konsiderohet se punët e kryera janë bërë pa leje dhe kryesi i punëve i bartë të gjitha pasojat.

Neni 102

Gropimi i sipërfaqeve publike

Gropimin e sipërfaqeve publike, në perimetër prej 1m për vënien e objekteve nga neni 105 i kësaj rregulloreje, mund ta bëjë edhe organizata e cila i vendos ato objekte, ndërsa meremetimin do ta kryejë vetë ose me anë të ndërmarrjes për mirëmbajtjen e objekteve komunale.

Neni 103 Kërkesa për leje

1. Kërkesa për dhënien e lejes për gropimin e sipërfaqeve publike, duhet t'i përmbajë shënimet mbi llojin dhe sipërfaqen e bazës (shtresës) e cila duhet të rrëmihet, qëllimin e gropimit dhe vendin e saktë në të cilën do të bëhet gropimi, koha, fillimi dhe përfundimi i punëve etj.
2. Bashkë me kërkesën duhet të bashkëngjitet edhe situacioni (skica) e terrenit në shkallën 1:500 me terrenin e vizatuar dhe sipërfaqen për gropim, si dhe me pozitën e pajisjeve komunale në krahasim me pikat markante (të poshtme), si dhe thellësinë e gropimit.

Neni 104 Dhënja e lejes

1. Lejen për gropimin e sipërfaqeve publike e jep organi kompetent për punë Komunale.
2. Organi kompetent komunal nuk mund ta japë lejen për gropim të sipërfaqeve publike në periudhën kohore prej 1 dhjetori deri më 28 shkurt.
3. Përjashtimisht, në rastet e nevojave urgjente Organi kompetent komunal me Vendim mund të lejoj gropimi në periudhën kohore prej 1 dhjetorit deri më 28 shkurt.
4. Në vendimin për lejimin e gropimit pa tjetër duhet të shënohet koha e fillimit të gropimit dhe e përfundimit të punëve në meremetimin e sipërfaqeve të grupuara.
5. Nëse punët për shkak të gropimit të sipërfaqes publike, nuk mund të kryhen në afatin e caktuar, investuesi është i obliguar që të kërkojë vazhdimin nga organi kompetent komunal.

Neni 105 Sigurimi i vend punimit

1. Gjatë gropimit të sipërfaqeve publike vendi ndërtimor duhet patjetër të sigurohet në mënyrë të theksuar me shenja, rrethojë dhe masat tjera mbrojtëse në pajtim me dispozitat e Ligjit për Ndërtim.
2. Kryesi i punëve është i obliguar veçanërisht:
 - 2.1. që gropimin ta kryejë sipas lejes së dhënë;
 - 2.2. që vendi ndërtimor gjatë natës të jenë i ndriçuar;
 - 2.3. që vendin ndërtimor ta rregullojë ashtu që të mundësohet qarkullimi pa pengesë i automjeteve dhe i këmbësorëve,
 - 2.4. të shënohet vendi ku është lejuar, respektivisht ndaluar kalimi i automjeteve dhe këmbësorëve;

2.5. punët të kryhen në pajtim me të gjitha kushtet teknike, të cilat kanë të bëjnë me ndërtimin dhe rikonstruktimin e rrugëve dhe të shesheve.

3. pas kryerjes së punëve, vendi në të cilin është punuar, duhet të kthehet në gjendje të rregullt paraprake dhe të largohen të gjitha materialet nga vendi ndërtimor.
4. rruga për trafik, në raste të veçanta mund të groposet në tërë gjatësinë e saj nëse nuk mund të kryhen punët në mënyrë tjetër dhe atë natën në kohë prej 22:00 deri në ora 4:00 të ditës së ardhshme.

Neni 106

Kthimi në gjendjen e mëparshme

1. Sipërfaqja e gropuar duhet të kthehet në gjendje të mëparshme, sipas afatit i cili është caktuar me vendim të lejes për gropim.
2. Sipërfaqja e ndërtuar publike nuk guxon të shfrytëzohet pa lejen e organit kompetent komunal.

Neni 107

Sigurimi i kalimit mbi pjesën e gropuar

Nëse bëhet gropimi i trotuarit, kryesi i punëve është i obliguar që me mjete adekuate të sigurojë kalimin mbi pjesën e groposur të rrugës.

Neni 108

Qasja në ndërtesa

Kryesi i punëve është i obliguar që të sigurojë qasje pa pengesë në ndërtesat afariste -lokale si dhe në ndërtesat banesore e objektet tjera.

Neni 109

Njoftimet për punime

1. Gjatë ndërtimit të rrugëve të reja ose riparimin e rrugëve ekzistuese, ndërmarrjet të cilat kujdesen për mirëmbajtjen dhe qeverisjen e pajisjeve komunale, si dhe qytetarët dhe organizatat të cilat në ato rrugë posedojnë objekte duhet të jenë të njoftuara së paku 1 muaj para fillimit të ndërtimit, riparimin që të përgatitet për vendosjen e pajisjeve komunale ose për lidhjen e objekteve të veta në këto pajisje.
2. Qytetarët dhe subjektet tjera me të cilat kanë të bëjnë dispozitat e paragrafit 1 te këtij neni , janë të obliguara që mbi nevojat e kryerjes së punëve në pajisjet komunale dhe në lidhjet që të njëjtit ta njoftojnë investitorin i cili punon ose riparon rrugën, në mënyrë që vendosja e lidhjeve të bëhet para ndërtimit ose riparimit të rrugës.

3. Rrugët e projektuara dhe të riparuar nuk mund të grupohen para 3 vjetëve nga mbarimi i ndërtimit ose riparimit, përveç në raste të parapara me këtë rregullore.

Neni 110 **Zbatimi i rregullave**

1. Investuesi është i obliguar që para marrjes së lejes për ndërtim të ri apo riparimin në sipërfaqe publike ta deponojë depozitën bankare në pajtim me rregullat e prokurimit për evitimin e lëshimeve eventuale dhe meremetimin e sipërfaqeve publike.
2. Investuesi është i obliguar që para marrjes së lejes për ndërtim të ri apo riparimin në sipërfaqe publike të sigurojë nga kryesi i punës garancionin për cilësinë e punëve të kryera.

Neni 111 **Bartja e shpenzimeve**

1. Nëse në afatin garantues prej 1 viti nga dita e kryerjes së punimeve në sipërfaqet e grupuara paraqiten dëmtime, meremetimin e bartë investitori me shpenzimet e veta.
2. Nëse investitori nuk i kryen meremetimet sipas paragrafit 1 të këtij neni , të njëjtat i kryen organi i administratës që ka lëshuar lejen .

Neni 112 **Pastrimi i qytetit**

Në interes të mbrojtjes së shëndetit dhe të sigurimit të kushteve higjienike në qytet dhe në para lagjet, rrugët, parqet, çerdhet e fëmijëve, oborret e ndërtesave familjare dhe afariste, trojet e lira dhe sipërfaqet tjera të hapura dhe të gjitha hapësirat e përbashkëta, duhet patjetër të mirëmbahen në gjendje të pastër sipas dispozitave të kësaj Rregulloreje.

Neni 113 **Kujdesi në mirëmbajtje**

Për mbajtjen e pastërtisë janë të detyruar të kujdesen qytetarët, ndërmarrjet, institucionet dhe , organizatat tjera.

Neni 114 **Përfshirja e objekteve në mirëmbajtje**

1. Lidhur me mbajtjen e pastërtisë në kuptim të dispozitave të kësaj rregulloreje, përfshihen këto objekte:

- 1.1. rrugët, trotualet dhe sheshet;
- 1.2. parqet;
- 1.3. shëtitorët, terrenet sportive dhe argëtuese;
- 1.4. stacionet e autobusëve dhe vendqëndrimet e autobusëve në vijat urbane dhe ndërrbane;
- 1.5. ambulancat, spitalet dhe çerdhet e fëmijëve;

- 1.6. stacionet e karburantit;
- 1.7. varrezat, tregjet, shtretërit e lumenjve dhe
- 1.8. hapësirat e hapura dhe të zbrazëta ndërmjet dhe rreth banesave, si dhe toka ndërtimore e pa ndërtuar (trojet e zbrazëta).

Neni 115 **Mbajtja e pastërtisë**

1. Për mbajtjen e pastërtisë në stacionet e autobusëve, të karburanteve si dhe objektet hoteliere, auto kampet dhe në vendet e ngjashme, janë përgjegjëse ndërmarrjet subjektet të cilat e kanë të drejtën e shfrytëzimit të këtyre objekteve.
2. Shfrytëzuesit nga paragrafi 1 i këtij neni janë të obliguar që në peronet, sallat e pritjes dhe në vendet tjera ku frekuentojnë njerëzit, në vendet e përshtatshme, të vendosin numër të mjaftueshëm të shportave për hedhjen e mbeturinave.
3. Nyejt sanitarë publik, duhet mbajtur në gjendje të rregullt dhe të pajisura me mjete të nevojshme si dhe të dezinfektohen kohë pas kohe me mjete përkatëse.
4. Nyejt sanitarë publik pa tjetër duhet të jenë të hapura çdo ditë prej orës 5:00 deri në ora 24:00.
5. Për mirëmbajtjen e pastërtisë në sipërfaqe publike janë të obliguar që të kujdesen pronarët dhe shfrytëzuesit e këtyre sipërfaqeve.
6. Pronarët dhe shfrytëzuesit e sipërfaqeve publike, punët mund t'ia besojnë ndërmarrjes së specializuar për mbajtjen e pastërtisë në pajtim me procedurat e prokurimit.

Neni 116 **Dëshmitë mbi taksën e paguar**

1. Pronarët dhe shfrytëzuesit e sipërfaqeve publike janë të obliguar që ato t'i mbajnë në gjendje të pastër.
2. Pronarët dhe shfrytëzuesit e ndërtesave banesore, të hapësirave afariste dhe trojeve të zbrazëta, janë të detyruar që t'i pastrojnë trotualet dhe sipërfaqet e tyre rreth ndërtesave para trojeve.
3. Organi kompetent komunale para dhënies së lejes për shfrytëzimin e sipërfaqeve të lira publike nga subjekte të ndryshme do të sigurojë më parë dëshminë mbi taksën e paguar dhe obligimet tjera që kërkohen sipas ligjit e akteve nënligjore në fuqi.

Neni 117 **Mirëmbajtja e ndërtesave banesore**

Të gjitha oborret dhe korridoret e ndërtesave banesore duhet të jenë në gjendje të rregullt dhe të pastër. Për mirëmbajtjen e oborreve dhe korridoreve të ndërtesave banesore, kujdesen pronarët respektivisht shfrytëzuesit e atyre oborreve, korridoreve dhe bodrumeve.

Neni 118 **Mirëmbajtja e xhamave të vitrinave**

Shfrytëzuesit e hapësirave afariste janë të obliguar që ato t'i mbajnë të pastra. Xhamat nëpër dritare dhe vitrina duhet të jenë gjithmonë të pastër dhe në gjendje të rregullt.

Neni 119

Mirëmbajtja e ambientit të fshatit

1. Të gjithë banorët në vendet e banuara me karakter fshati apo vendbanimi, janë të obliguar që të kujdesen për mbajtjen e pastërtisë në vendet publike dhe sipërfaqet tjera.
2. Qytetarët e vendbanimeve të karakterit të fshatit janë të obliguar t'i pastrojnë trotualet respektivisht pjesët e rrugëve para shtëpive të veta, oborret dhe sipërfaqet tjera përpara dhe rreth shtëpisë.

3. Ndalohet:

- 3.1. hedhja e mbeturinave dhe materialit tjetër fundrrinor në shtratin e lumenjve, liqeve , përrenjve, në rrugë dhe në sipërfaqe tjera publike dhe kudo tjetër jashtë deponisë së qytetit;
- 3.2. hedhja e plehut të kafshëve në sipërfaqet jashtë oborreve të tyre;
- 3.3. kanalet përcjellëse të ujit fundrrinor dhe të fekaleve të mos kalojnë nëpër rrugë, në sipërfaqe të lira publike dhe në oborret e huaja;
- 3.4. të mbyllen lëshesat, kanalet përcjellëse nëpër rrugët e rendit të IV dhe dëmtimet e ndryshme të këtyre pajisjeve.

Neni 120

Pastrimi i rrugëve

1. Pastrimi i rrugëve duhet të bëhet sipas mënyrës dhe në kohën e cila e siguron efektin më të mirë të pastrimit dhe që në masën më të vogël pengon qarkullimin e kalimtarëve dhe zhvillimin normal të trafikut.
2. Ndalohet pastrimi i rrugëve në kohën prej orës 7:00 deri në ora 23:00, me përjashtim të rasteve të jashtëzakonshme.

Neni 121

Orari për pastrimin e rrugëve

Larja e rrugëve mund të bëhet prej orës 24:00 deri në ora 5:00 të ditës vijuese.

Neni 122

Pastrimi i rrotave nga balta

1. Të gjitha automjetet tjera tërheqëse, para hyrjes në sipërfaqet publike të trafikut publik duhet patjetër të pastrohen nga balta dhe mbeturinat tjera.
2. Nga balta dhe papastërtia, patjetër duhet pastrohen edhe të gjitha mjetet bartëse para daljes në sipërfaqe publike, në trafikun publik nga shkarkimet, nga objektet ndërtimore dhe nga hapësirat tjera nga të cilat balta dhe papastërtitë tjera mund të bartën në sipërfaqe publike.

Neni 123
Qëndrimi i mjeteve për pastrim

1. Mjetet (qerret) tërheqëse mund të qëndrojnë, vetëm në vendin e caktuar për ato qëllime nga ndërmarrja publike që kujdeset për pastërtinë e qytetit në bashkëpunim me organet kompetent komunale.
2. Për mbajtjen e pastërtisë, në vendet sipas paragrafit 1 të këtij neni pronarët e mjeteve tërheqëse ia paguajnë kompensimin ndërmarrjes e cila kujdeset për mbajtjen e pastërtisë në këto vende. Ndalja dhe parkimi në trotuar, sheshet e vogla dhe rrugë të qerreve tërheqëse ndalohet rreptësisht.

Neni 124
Nyjet sanitare higjienike

1. Ndërtesat duhet të kenë nyjet sanitare higjienike. Nëse nuk kanë, pronarët e ndërtesës dhe të lokaleve afariste janë të obliguar që në afat prej 3 muajsh nga dita e hyrjes në fuqi të kësaj rregulloreje t'i ndërtojnë nyjet sanitare përkatëse higjienike.
2. Ndërtimi i nyjeve sanitare higjienike dhe të gropave septike do të bëhet vetëm nëpër vende të përshtatshme. Vendet në të cilat do të ndërtohen duhet të caktohen nga ana e inspektorit dhe organit kompetent komunale.

Neni 125
Pastrimi i gropave septike

Heqja e fekaleve nga gropat septike, nyjet sanitare dhe të ngjashme bëhet me anë të cisternave septike sipas rregullit gjatë natës prej orës 21:00 deri në ora 5:00 të mëngjesit.

Neni 126
Detyrat e kryesve të punëve ndërtimore

1. Kryesit e punëve ndërtimore janë të obliguar që të kujdesen për:
 - 1.1. pastrimin e sipërfaqeve publike para vendeve ndërtimore deri te vendi i shkarkimit të materialit;

- 1.2. derdhjen e materialit shkapërderdhës dhe gjatë rrënimit të pengohet pluhuri me ane të ujitjes së sipërfaqes punuese ;
- 1.3. deponimi dhe sigurimi e materialit ndërtimor nga rrënimi dhe bartjen e tij nga sipërfaqja publike.

Neni 127

Rregullimi i hapsirave pas përdorimit

Personat fizik dhe ata juridik të cilët bëjnë ngarkimin dhe shkarkimin e mallrave ose të materialit para ndërtesave në rrugë ose trotuare janë të obliguar që menjëherë t'i largojnë ato dhe ta pastrojnë vendin.

Neni 128

Pastrimi i borës

1. Për pastrimin e borës nga trotuaret dhe para ndërtesave afariste dhe banesore në pronësi publike, kujdesen personat juridik të cilat i shfrytëzojnë ndërtesat afariste dhe këshillat shtëpiake , ndërsa për pastrimin e borës nga trotuaret para ndërtesave familjare banesore dhe para hapësirave afariste (punëtoritë, lokalet afariste) kujdesen pronarët dhe shfrytëzuesit e ndërtesave banesore dhe të hapësirave afariste.
2. Ndërmarrjet dhe qytetarët janë të obliguar që gjatë pastrimit të sipërfaqeve nga paragrafi 1 të këtij neni ta grumbullojnë borën dhe akullin në skaj të trotuarit, ndërsa ndërmarrja për mbajtjen e pastërtisë është e obliguar që borën e grumbulluar në skaje të trotuarit ta bart menjëherë jashtë qytetit e më së voni brenda 10 orësh.
3. Ndërmarrja për mbajtjen e pastërtisë, me rastin e reshjeve të mëdha atmosferike është e obliguar që nga rrugët, trotuaret, trafikut publik dhe atij të dorës së dytë të kujdeset dhe rregullisht t'i pastrojnë ato nga bora dhe akulli si dhe të hedhin kripë mbi to.
4. Ndalohet hedhja e borës dhe akullit në rrugë nga ana qytetarëve dhe ndërmarrjet.

Neni 129

Pastrimi i bores nga qytetarët

Në rastet kur gjatë ditës bie borë, trotuaret sipas nevojës do të pastrohen edhe disa herë në ditë duke u angazhuar detyrimisht të gjithë qytetarët dhe ndërmarrjet, në rast se bora bie pandërprerë gjatë natës, e njëjta do të pastrohet në ditën e ardhshme e më së voni deri në ora 9:00 të mëngjesit.

Neni 130

Mbajtja e pastërtisë dhe higjienës komunale në tregje dhe në objektet e tregjeve

Për mbajtjen e pastërtisë dhe të higjienës komunale nëpër tregje dhe objekte të tregjeve do të kujdeset pronari, respektivisht shfrytëzuesi i tregjeve.

Neni 131

Mirembajtja e tregjeve

Tregjet duhet të mbahen në gjendje të rregullt dhe të pastër. Çdo ditë tregjet pas kalimit të kohës së punës duhet të pastrohen mirë, të largohen mbeturinat dhe të jenë në gjendje të rregullt.

Neni 132
Sigurimi i ujit ne tregje

Ndërmarrja e cila menaxhon me tregjet, është e obliguar që në të gjitha tregjet të sigurojë sasi të mjaftueshme të ujit të rregullt higjenik të pijshëm për freskimin e prodhimeve dhe pastrimin e tregjeve, si dhe të ndërtojë numrin e caktuar dhe të nevojshëm të kabinave të njejeve sanitare, të cilat duhet rregullisht të pastrohen dhe të mirëmbahen dhe të vihet numri i mjaftueshëm i enëve, kontejnerëve për mbeturina dhe fundërrina, të cilat duhet të pastrohen rregullisht.

Neni 133
Ndalesat

1. Ndalohet:

- 1.1.** Pastrimi i tregut dhe i vendeve për shitje gjatë kohës së zgjatjes së afarizmit në treg.
- 1.2.** Çdo shitje e mallit dhe e gjërave tjera ushqimore jashtë vendit të caktuar për këtë dhe ekspozimi i tyre para lokaleve afariste.
- 1.3.** Shitja dhe ekspozimi i mallrave në vendet dhe hapësirat në afërsinë e tregut, e që do të pengonte qasjen dhe qarkullimin e lirë të blerësve, në hapësirat para tregut dhe në hyrje të drejtpërdrejtë të tregut, të cilat në çdo kohë duhet të jenë të lira për kalimtar blerës dhe trafikun e automjeteve dhe të mjeteve tjera.

Neni 134
Sigurimi i kushteve higjienikë ne tregjet për kafshë

Në hapësirat e tregut ku bëhet shitja e kafshëve, duhet të sigurohet sasia e mjaftueshme e ujit higjenik për pije dhe ujit për kafshë, si dhe të ndërtohen nyje sanitare me numër të caktuar të kabinave, të ndërtohen vendet për lidhjen e kafshëve dhe vendosen enët për grumbullimin e mbeturinave dhe të fundërrinave, ndërsa hapësira e tregut pas çdo dite të tregut duhet të pastrohet mirë nga plehu dhe nga fundërrinat tjera.

Neni 135
Shitja e materialit per ngrohje

- 1.** Hapësira e tregut për shitjen e materialit për ngrohje (dru, thëngjill etj.), si dhe asortimenteve tjera nga druri, për shitjen e gëlqeres dhe të prodhimeve të ngjashme duhet të mbahet në rregull, në gjendje të pastër dhe pas çdo dite të tregut pas kohës së punës të pastrohet.
- 2.** Ndalohet shitja e prodhimeve të theksuara-materialit jashtë hapësirës së tregut të caktuar për këto destinime.

Neni 136
Ndalesat

- 1.** Në sipërfaqe publike ndalohet:

- 1.1. prerja dhe copëtimi i drunjve, të grimcohet thëngjilli dhe materiali tjetër me përjashtim në parcelat e zbrazëta, nëse për këtë ekziston leja për ndërtim të ndërtesave banesore dhe të tjera;
- 1.2. larja e të gjitha mjeteve motorike, rrobave dhe lëndëve të tjera;
- 1.3. meremetimi i automjeteve dhe kryerja e veprimtarive zejtare;
- 1.4. lëvizja e automjeteve në të cilat është grumbulluar balta dhe papastërtia tjetër;
- 1.5. lëvizja e automjeteve të cilat nuk janë siguruar nga materiali derdhës, i cili transportohet ose automjeteve të cilat mundësojnë përhapjen e gazrave gjatë transportimit (fekalet) dhe materialit tjetër me erë jo të këndshme, përveç lëndës së asfaltit;
- 1.6. lëshuarja dhe shpërndarja e ujit fundrrinor dhe të ndyrësirave tjera në sipërfaqe publike, në oborret fqinje dhe në korridoret e përbashkëta ose në ato sipërfaqe të hedhen si dhe të mbahen mbeturinat e të ngjashme;
- 1.7. lëvizja e kafshëve dhe e shpezëve;
- 1.8. kryerja e nevojës fiziologjike;
- 1.9. hapja e enëve me mbeturina (të enëve dhe të kontejnerëve);
- 1.10. prishja dhe marrja e lëndëve fundrrinore nga kanta dhe kontejnerët;
- 1.11. ndezja e mbeturinave nëpër enë dhe në sipërfaqe publike;
- 1.12. hedhja në enët për mbeturina, si vijon: dheut, rërës, ambalazhit, mbeturinave nga kopshtet dhe mbeturinat e ngjashme;
- 1.13. hedhja e thëngjillit jo të djegur, të hirit dhe të materialit tjetër ndezës nëpër enët për mbeturina (kontejner);
- 1.14. lëshimi i ujit nga krojet nëpër oborre, nëpër rrugë dhe nëpër oborret e huaja;
- 1.15. mbajtja e hidrantëve për ujë nëpër rrugë në gjendje jo të rregullt;
- 1.16. ndalimi i automjetit ose qerreve tërheqëse pranë enëve për mbeturina kontejnerëve, trotuareve, shesheve të vogla, sipërfaqeve të gjelbërta, etj;
- 1.17. parkimi i të gjitha mjeteve motorike dhe të mjeteve tërheqëse nëpër trotuare;
- 1.18. vendosja e tavolinave, karrigeve, tezgave lëvizëse, ambalazhit, mallrave, bankomatëve, frigoriferëve, gjeneratorëve, ormanëve për internet, të objekteve reklamuese e të ngjashme;
- 1.19. mbajtja e papastërtisë në hapësirën ku bëhet pastrimi i veshmbathjes;
- 1.20. të mbahen mbeturinat dhe fundërrinat nëpër enët të cilat nuk i plotësojnë kushtet për to;
- 1.21. në sipërfaqe publike, rrugë dhe trotuare të bëhet shtrirja e armaturës dhe lidhja për shtylla dhe rendin e drunjve për t'i drejtuar ato;
- 1.22. dalja nga vendi ndërtimor dhe nga sipërfaqet tjera të ngjashme me automjetet të ndotura në sipërfaqe publike të trafikut publik,

Neni 137 Ndalesat

Në territorin e qytetit ndalohet:

- 1.1. nxjerrja e materialit ndërtimor, eksploatimi i fraksioneve të gurit nga prerjet e tullave skaj rrugëve publike e të ngjashme;
- 1.2. lëshimi ose përcjellja e ujit fekal nga gropat e njejeve sanitare, si dhe mbeturinat e gropave septike nëpër kopshte, kanale, lumenj, në rrugë dhe në oborre fqinje;
- 1.3. të hedhen dhe të derdhen nëpër oborre ose para hapësirave të ndërtesave banesore mbeturinat, fekalet, uji si dhe në çfarëdo mënyre të dëmtohen kushtet higjienike të qytetarëve të tjerë ose të banuesve;

- 1.4. t'u jepet ujë kafshëve nëpër krojet publike;
- 1.5. të hedhen dhe të mbulohen kafshët dhe shpezët e ngordhura jashtë varrezave të destinuara për kafshë;
- 1.6. të largohen dhe të lidhen mjetet tërheqëse në vendet në të cilat nuk janë caktuar për këto qëllime;
- 1.7. të bëhet prodhimi me dorë i tjegullave , tullave si dhe i gëlqeres.

Neni 138

Ndalesat tjera

1. Në gjithë territorin e Komunës rreptësishtë ndalohe:

1.1.djegia e hamullorëve (kashtës dhe mbetjeve të drithërave), gomave, vajrave motorike, plastikës, pesticideve, barnave dhe të gjitha mbeturinave tjera toksike;

1.2 . hedhja në sipërfaqe të tokës, ujit dhe kanalizimeve e vajrave motorike, pesticideve, barnave dhe substancave tjera toksike;

Neni 139

Kontraktimi i puneve

Për shërbimet të cilat ndërmarrjes i besohen punët për pastrimin e rrugëve të shtruara, largimit të borës dhe të akullit, transportimin dhe deponimin e tyre në sipërfaqet në pajtim me këtë rregullore, i takon kompensimi në lartësinë dhe në kushtet të cilat përcaktohen me kontratë ne përputhje me dispozitat e ligjeve ne fuqi .

Neni 140

Inspektimi

1. Inspektori gjatë kryerjes së mbikëqyrjes së drejtpërdrejtë ka të drejtë që ta ndalë automjetin i cili transporton mallra, material ndërtimor, material fundrrinorë, drunj, thëngjill etj.
2. Ndalimin e automjeteve në fjalë inspektori e bënë me paraqitjen e shenjes për komunikacion "Ndalohe trafiku në të dy drejtimet", në të cilin është shkruar "STOP INSPEKTORATI", vozitësit e automjeteve janë të obliguar që t'i ndalin automjetet në këtë shenjë dhe duhet t'i ofrojnë shënimet që kërkohen nga inspektorët.
3. Ndalimi i automjeteve nga paragrafi 2 e këtij neni nuk guxon të kryhet nëpër vende ku do të bëhet rrezikimi i sigurisë në trafik.

Neni 141

Mbikëqyrja

Mbikëqyrjen e zbatimit dhe respektimit të dispozitave të kësaj rregulloreje e kryejnë organet kompetente komunale të administratës .

Neni 142

Sanksionet kundërvajtëse

1. Denohet me gjobë në shumën prej 20€ deri 1,000€ për kundërvajtjen e kryer sipas paragrafit 4 të këtij neni personat fizik dhe personat përgjegjës te personit juridik.
2. Denohet me gjobë në shumën prej 50€ deri 3,000€ për kundërvajtjen e kryer sipas paragrafit 4 të këtij neni personat fizik që ushtrojnë biznes individual.
3. Denohet me gjobë në shumën prej 150€ deri 10,000€ për kundërvajtjen e kryer sipas paragrafit 4 të këtij neni personat juridik .
4. Kundërvajtjet me gjobë si në vijim:
 - 4.1 Nëse nuk e kryejnë pastrimin e të gjithë mbledhësve të ujit dhe të pusetave për ujin atmosferik më së paku dy herë në vit (neni 7 paragrafi 1 pika 1.5),
 - 4.2 Nëse nuk ua sigurojnë konsumuesve sasinë e mjaftueshme të ujit higjienik dhe të rregullt (neni 10),
 - 4.3 Nëse nuk e pengon çdo derdhje të tepër të ujit (neni 28),
 - 4.4 Nëse nuk e kryen pastrimin e rregullt të mbledhësve të ujit dhe të pusetave për kanalizimin atmosferik dhe atë fekal, në mënyrë që çdo kohë të mund të përgjigjet destinimit të vet (neni 31),
 - 4.5 Pas kryerjes së punëve të ujësjellësit dhe të kanalizimit të cilat ajo i kryen dhe nuk e bie terrenin në gjendje të mëparshme të rregullt (neni 32 paragrafi 1),
 - 4.6 Nëse nga rrugët, trotualet dhe sipërfaqet publike nuk e largon materialin e tepërt në afatin e paraparë me vendimin nga ana e organit kompetent (neni 32 paragrafi 3),
 - 4.7 Nëse i shfrytëzojnë sipërfaqet e gjelbra jashtë suazave të tyre pa lejen e organit kompetent (neni 41 paragrafi 2),
 - 4.8 Nëse nuk i eviton dëmet në rrugët e trafikut, trotualet si dhe nëse tereni nuk e bie në gjendjen e mëparshme të rregullt (neni 51),
 - 4.9 Nëse gjatë shfrytëzimit të trotuarit, rrugës dhe sipërfaqes tjetër publike vjen deri te dëmtimi i tyre (neni 56),
 - 4.10 Nëse kryen ndonjë veprim të ndaluar të paraparë (nenin 64),
 - 4.11 Nëse nuk vepron në pajtim me nenin 66 paragrafi 1,2 dhe 3 ,
 - 4.12 Nëse nuk vepron sipas dispozitave të parapara të nenit 72 dhe 73,
 - 4.13 Nëse nuk vepron sipas dispozitave të parapara me nenin 75,
 - 4.14 Nëse nuk e kryen aranzhimin profesional të artikujve nëpër vitrina, nuk i shkruan çmimet e artikujve me material të njëjtë, nuk e shpallë me shkrim orarin e punës fillimin dhe mbarimin e punës (neni 78),
 - 4.15 Nëse vërtetohet dhe vlerësohet nga ana e organit kompetent se lëshimi i lejes për rrëmihje dhe evitimin e prishjeve nga neni 104 paragrafi 1 nuk ka qenë i natyrës urgjente (neni 104 paragrafi.3),
 - 4.16 Nëse vepron në kundërshtim me dispozitat nga neni 106,
 - 4.17 Nëse me rastin, kur bie bora nuk vepron në mënyrën e paraparë me nenin 128
5. Për kundërvajtje nga neni 7 deri 22 dhe nenet 28, 31, 32, 41, paragrafi 2), 51, 56, 64, 65, 75, 81, 104, 106, 128, dhe 137 të kësaj rregulloreje do të dënohen me të holla (gjobë mandator) në shumën prej 50€ edhe personi përgjegjës i personit nëse deri te kundërvajtja ka ardhur me veprimin apo mosveprimin e tij.

Sanksionet kundërvajtëse

1. Denohet me gjobë në shumën prej 20€ deri 1,000€ për kundërvajtjen e kryer sipas paragrafit 4 të këtij neni personat fizik dhe personat përgjegjës te personit juridik.
2. Denohet me gjobë në shumën prej 50€ deri 3,000€ për kundërvajtjen e kryer sipas paragrafit 4 të këtij neni personat fizik që ushtrojnë biznes individual.
3. Denohet me gjobë në shumën prej 150€ deri 10,000€ për kundërvajtjen e kryer sipas paragrafit 4 të këtij neni personat juridik .
4. Kundërvajtjet me gjobë si në vijim:
 - 4.1. nëse vepron në kundërshtim me dispozitat nga neni 12 ;
 - 4.2. për shkak të lidhjes me rrjetin e ujësjellësit dhe kanalizimit pa leje (neni 17);
 - 4.3. nëse vepron në kundërshtim me dispozitat nga neni 22 paragrafi 1 dhe neni 33;
 - 4.4. nëse vepron në kundërshtim me dispozitat nga nenet 42, 43, 44, 45, 47, 48, 52, 55;
 - 4.5. nëse vepron në kundërshtim me dispozitat nga nenet 65,66 paragrafi 2,67,69,70;
 - 4.6. nëse vepron në kundërshtim me dispozitat nga neni 74 dhe neni 76;
 - 4.7. nëse vepron në kundërshtim me dispozitat nga neni 61 ;
 - 4.8. nëse vepron në kundërshtim me dispozitat nga neni 80,82 dhe 83;
 - 4.9. nëse vepron në kundërshtim me dispozitat nga neni 88,dhe neni 90;
 - 4.10. nëse vepron në kundërshtim me dispozitat nga neni 88;
 - 4.11. nëse vepron në kundërshtim me dispozitat nga neni 113;
 - 4.12. nëse nuk u përmbahet masave të përcaktuara nga nenet 106,106,107,108,111;
 - 4.13. nëse vepron në kundërshtim me dispozitat e parapara nga neni 116;
 - 4.14. nëse nuk sillet në pajtim me nenin 117 dhe 118;
 - 4.15. nëse nuk e bënë shpëlarjen e rrugëve dhe pastrimin në pajtim me kontratën në mes të organeve përkatëse të administratës komunale dhe ndërmarrjes punuese kompetente neni 123;
 - 4.16. nëse vepron në kundërshtim me nenin 124;
 - 4.17. nëse nuk e bënë pastrimin e sipërfaqeve publike para vendeve ndërtimore, nëse nuk e spërkatë materialin e grimcuar gjatë rrënimimit në mënyrë që mos të ngjitet pluhuri (neni 126);
 - 4.18. nëse nuk i përmbahet masave të përcaktuara nga neni 127;
 - 4.19. nëse kur bie bora nuk vepron në mënyrën e paraparë me nenin 128 dhe 129;
 - 4.20. nëse nuk u përmbahet masave të përcaktuara nga nenet 130,131,132, 133, 134, 135 dhe 136;
 - 4.21. nëse nuk i respekton nenet 137 dhe 138;
 - 4.22. nëse gjatë qitjes së shenjës së komunikacionit “STOP-INSPEKTORATI” vozitësit e automjeteve të rënda nuk i ndalin dhe nuk i ofrojnë shënimet e kërkuara inspektorit (neni 140).

5. Për kundërvajtje nga neni 143 të nënparagrafëve 4.11,4.12,4.13,4.14,4.15,4.16,4.17,4.19,4.20, 4.21,dhe 4.22, do të dënohen me të holla (gjobë mandator) në shumën prej 50€ edhe personi përgjegjës i personit juridik, nëse deri te kundërvajtja ka ardhur me veprimin apo mosveprimin e tyre.

Neni 144
Sanksionet kundërvajtëse

1. Denohet me gjobë në shumën prej 20€ deri 1,000€ për kundërvajtjen e kryer sipas paragrafit 4 të këtij neni personat fizik dhe personat përgjegjës te personit juridik.
2. Denohet me gjobë në shumën prej 50€ deri 3,000€ për kundërvajtjen e kryer sipas paragrafit 4 të këtij neni personat fizik që ushtrojnë biznes individual.
3. Denohet me gjobë në shumën prej 150€ deri 10,000€ për kundërvajtjen e kryer sipas paragrafit 4 të këtij neni personat juridik .
4. Kundërvajtjet me gjobë si në vijim:
 - 4.1. nëse pa lejen përkatëse bënë kyçje në rrjetin e ujësjellësit dhe kanalizimit (neni 17),
 - 4.2. nëse bënë ndonjërrën prej veprimeve të ndaluara nga neni 36
 - 4.3. nëse bënë ndonjërrën prej veprimeve nga neni 48 ,
 - 4.4. nëse vepron në kundërshtim me dispozitat e nenit 56,
 - 4.5. nëse vepron në kundërshtim me nenin 57 paragrafi 3, 4 dhe 5,
 - 4.6. nëse nuk u përmbahet masave të përcaktuara nga neni 65 deri 71,
 - 4.7. nëse vepron në kundërshtim me dispozitat nga neni 72, 73, dhe 74,
 - 4.8. nëse nuk vepron sipas vendimit të drejtorisë së inspeksionit, respektivisht nëse nuk i eviton mungesat në afatin e caktuar (neni 75),
 - 4.9. nëse nuk e eviton rrezikun nga rrënimi i objekteve i cili është rrezik për jetën dhe shëndetin e njerëzve, të objekteve fqinjë dhe sigurinë në trafik (neni 76),
 - 4.10. nëse vepron në kundërshtim me dispozitat e (neneve 80, 81 dhe 82)
 - 4.11. nëse bënë ndonjërrën prej veprimtarive të ndaluara nga neni 90
 - 4.12. nëse nuk e bënë dezinfektimin e nyjeve sanitare dhe gëlqerosjen e tyre të paraparë me nenin 95;
 - 4.13. nëse vepron në kundërshtim me dispozitat e nenit 98;
 - 4.14. nëse nuk u përmbahet masave të caktuara nga nenet 105, 106, 107, 108 dhe 111
 - 4.15. nëse bënë ndonjërrën prej veprimeve me të cilin nuk respektohet neni 119,
 - 4.16. nëse nuk u përmbahet masave të përcaktuara nga neni 128,
 - 4.17. nëse nuk respektohet neni 133,
 - 4.18. nëse bënë ndonjërrën prej veprimeve të ndaluara nga neni 136
 - 4.19. nëse gjatë paraqitjes së shenjës së komunikacionit nga ana e inspektorit komunal në “STOP-INSPEKTORI” vozitësit e automjeteve të rënda nuk ndalen dhe nuk i ofrojnë shënimet e kërkuara nga inspektori (neni 140).

Neni 145
Sanksionet kundërvajtëse

1. Denohet me gjobë në shumën prej 20€ deri 1,000€ për kundërvajtjen e kryer sipas paragrafit 4 të këtij neni personat fizik dhe personat përgjegjës te personit juridik.
2. Denohet me gjobë në shumën prej 50€ deri 3,000€ për kundërvajtjen e kryer sipas paragrafit 4 të këtij neni personat fizik që ushtrojnë biznes individual.
3. Denohet me gjobë në shumën prej 150€ deri 10,000€ për kundërvajtjen e kryer sipas paragrafit 4 të këtij neni personat juridik .
4. Kundërvajtjet me gjobë si në vijim:
 - 4.1. nëse vepron në kundërshtim me dispozitat nga neni 30 paragrafi 3,
 - 4.2. nëse i shfrytëzon sipërfaqet publike të gjelbra jashtë destinimeve të tyre themelore pa leje nga organi kompetent (neni 38 paragrafi 3),
 - 4.3. nëse bënë ndonjërin nga veprimet e ndaluara nga neni 47
 - 4.4. nëse vepron në kundërshtim me dispozitat nga neni 54,
 - 4.5. nëse bënë ndonjërin prej veprimeve të ndaluara nga neni 60,
 - 4.6. nëse nuk u përmbahet masave të përcaktuara nga neni 66 paragrafi 2 dhe 3,
 - 4.7. nëse vepron në kundërshtim me dispozitat nga neni 69 dhe 70,
 - 4.8. nëse vepron në kundërshtim me dispozitat nga neni 82 ,
 - 4.9. nëse nuk e bie terrenin në gjendje të mëparshme të rregullt në sipërfaqen e rrëmihur të paraparë sipas nenit 105,
 - 4.10. nëse vepron në kundërshtim me dispozitat nga neni 115 paragrafi 5 dhe 6, 116 dhe 117,
 - 4.11. nëse vepron në kundërshtim me dispozitat nga neni 122, 123 ,
 - 4.12. nëse nuk u përmbahet masave të përcaktuara nga neni 127,
 - 4.13. nëse nuk u përmbahet masave të përcaktuara nga neni 133,
 - 4.14. nëse bënë ndonjërin prej veprimeve të ndaluara nga neni 137,

Neni 146
Sanksionet e lehta kundërvajtëse

1. Denohet me gjobë në shumën prej 10€ deri 100€ për kundërvajtjen e kryer sipas paragrafit 4 të këtij neni personat fizik dhe personat përgjegjës te personit juridik,
2. Denohen me gjobe në shumën prej 30€ deri 250€ për kundërvajtjen e kryer sipas paragrafit 4 të këtij neni personat fizik që ushtrojnë biznes individual,
3. Denohen me gjobë në shumën prej 100€ deri 1.500€ për kundërvajtjen e kryer sipas paragrafit 4 të këtij neni do të ndëshkohen personat juridik .
4. Kundërvajtjet me gjobë si në vijim:
 - 1.1. Nëse nuk e kryejnë pastrimin e të gjithë mbledhësve të ujit dhe të pusetave për ujin atmosferik më së paku dy herë në vit (neni 7 paragrafi 1 pika 1.4),

- 1.2. Nëse nuk ua sigurojnë konsumuesve sasinë e mjaftueshme të ujit higjienik dhe të rregullt (neni 9),
 - 1.3. Nëse nuk e pengon çdo derdhje të tepër të ujit (neni 28),
 - 1.4. Nëse nuk e kryen pastrimin e rregullt të mbledhësve të ujit dhe të pusetave për kanalizimin atmosferik dhe atë fekal, në mënyrë që çdo kohë të mund të përgjigjet destinimit të vet (neni 31),
 - 1.5. Pas kryerjes së punëve të ujësjellësit dhe të kanalizimit të cilat ajo i kryen dhe nuk e bie terrenin në gjendje të mëparshme të rregullt (neni 32 paragrafi 1),
 - 1.6. Nëse nga rrugët, trotualet dhe sipërfaqet publike nuk e largon materialin e tepërt në afatin e paraparë me vendimin nga ana e organit kompetent komunal (neni 32 paragrafi 3),
 - 1.7. Nëse i shfrytëzojnë sipërfaqet e gjelbra jashtë suazave të tyre pa lejen e organit kompetent (neni 41 paragrafi 2),
 - 1.8. Nëse nuk i eviton dëmet në rrugët e trafikut, trotualet si dhe nëse tereni nuk e bie në gjendjen e mëparshme të rregullt (neni 51),
 - 1.9. Nëse gjatë shfrytëzimit të trotuarit, rrugës dhe sipërfaqes tjetër publike vjen deri te dëmtimi i tyre (neni 56),
 - 1.10. Nëse kryen ndonjë veprim të ndaluar të paraparë (nenin 64),
 - 1.11. Nëse nuk vepron në pajtim me nenin 65 paragrafi 1,
 - 1.12. Nëse nuk vepron sipas dispozitave të parapara të nenit 72 dhe 73,
 - 1.13. Nëse nuk vepron sipas dispozitave të parapara me nenin 75,
 - 1.14. Nëse nuk e kryen aranzhimin profesional të artikujve nëpër vitrina, nuk i shkruan çmimet e artikujve me material të njëjtë, nuk e shpallë me shkrim orarin e punës fillimin dhe mbarimin e punës (neni 78),
 - 4.15 Nëse vërtetohet dhe vlerësohet nga ana e organit kompetent se lëshimi i lejes për rrëmihje dhe evitimin e prishjeve nga neni 105 paragrafi 1 dhe 3 nuk ka qenë i natyrës urgjente ,
 - 5.16 Nëse vepron në kundërshtim me dispozitat nga neni 106,
 - 5.17 Nëse me rastin, kur bie bora nuk vepron në mënyrën e paraparë me nenin 128 ,
6. Për kundërvajtje nga neni 7 deri 22 dhe neni 28, 31, 32, 41 paragrafi 2, 51, 56, 64, 66 paragrafi 1, 75, 81, 104, 106, 128, dhe 138 të kësaj rregulloreje do të dënohen me të holla (gjobë mandator) në shumën prej 25€ edhe personi përgjegjës i personit juridik nëse deri te kundërvajtja ka ardhur me veprimin apo mosveprimin e tij.

Neni 147

Sanksionet e lehta kundërvajtëse

1. Denohet me gjobë në shumën prej 10 € deri 100€ për kundërvajtjen e kryer sipas paragrafit 4 të këtij neni personat fizik dhe personat përgjegjës te personit juridik,
2. Denohen me gjobe në shumën prej 30€ deri 250€ për kundërvajtjen e kryer sipas paragrafit 4 të këtij neni personat fizik që ushtrojnë biznes individual,
3. Denohen me gjobë në shumën prej 100€ deri 1.500€ për kundërvajtjen e kryer sipas paragrafit 4 të këtij neni do të ndëshkohen personat juridik .
4. Kundërvajtjet me gjobë si në vijim:
 - 6.1. nëse vepron në kundërshtim me dispozitat nga neni 12 ;

- 6.2. për shkak të lidhjes me rrjetin e ujësjellësit dhe kanalizimit pa leje (neni 17);
 - 6.3. nëse vepron në kundërshtim me dispozitat nga neni 22 dhe 33;
 - 6.4. nëse vepron në kundërshtim me dispozitat nga nenet 42, 43, 44, 45, 47, 48, 52, 55;
 - 6.5. nëse vepron në kundërshtim me dispozitat nga nenet 61,65,67,69,70;
 - 6.6. nëse vepron në kundërshtim me dispozitat nga neni 74 dhe neni 76;
 - 6.7. nëse vepron në kundërshtim me dispozitat nga neni 80,82 dhe 83;
 - 6.8. nëse vepron në kundërshtim me dispozitat nga neni 88 ,89dhe 90 ;
 - 6.9. nëse nuk u përmbahet masave të përcaktuara nga nenet 105,106,107,108,111;
 - 6.10. nëse vepron në kundërshtim me dispozitat e parapara nga neni 116;
 - 6.11. nëse nuk sillet në pajtim me nenin 117 dhe 118;
 - 6.12. nëse nuk e bënë shpëlarjen e rrugëve dhe pastrimin në pajtim me kontratën në mes të organeve përkatëse të administratës komunale dhe ndërmarrjes punuese kompetente neni 123;
 - 6.13. nëse vepron në kundërshtim me nenin 124;
 - 6.14. nëse nuk e bënë pastrimin e sipërfaqeve publike para vendeve ndërtimore, nëse nuk e spërkatë materialin e grimtuar gjatë rrënimit në mënyrë që mos të ngjitet pluhuri (neni 126);
 - 6.15. nëse nuk i përmbahet masave të përcaktuara nga neni 127;
 - 6.16. nëse kur bie bora nuk vepron në mënyrën e paraparë me nenin 128 dhe 129;
 - 6.17. nëse nuk u përmbahet masave të përcaktuara nga nenet 130,131,132, 133, 134, 135 dhe 136;
 - 6.18. nëse nuk i respekton nenet 137 dhe 138;
 - 6.19. nëse gjatë qitjes së shenjës së komunikacionit “STOP-INSPEKTORATI” vozitësit e automjeteve të rënda nuk i ndalin dhe nuk i ofrojnë shënimet e kërkuara inspektorit (neni 140).
7. Për kundërvajtje nga neni 129 do të dënohen me të holla (gjobë mandator) në shumën prej **25€** edhe personi fizik dhe persona përgjegjës të personit juridik, nëse deri te kundërvajtja ka ardhur me veprimin apo mosveprimin e tyre.

Neni 148

Sanksionet e lehta kundërvajtëse

- 1. Denohet me gjobë në shumën prej **10€ deri 100€** për kundërvajtjen e kryer sipas paragrafit 4 të këtij neni personat fizik dhe personat përgjegjës te personit juridik,
- 2. Denohen me gjobe në shumën prej **30€ deri 250€** për kundërvajtjen e kryer sipas paragrafit 4 të këtij neni personat fizik që ushtrojnë biznes individual,
- 3. Denohen me gjobë në shumën prej **100€ deri 1.500€** për kundërvajtjen e kryer sipas paragrafit 4 të këtij neni do të ndëshkohen personat juridik .
- 4. Kundërvajtjet me gjobë si në vijim:
 - 4.1. pa lejen përkatëse bënë kyçe në rrjetin e ujësjellësit dhe kanalizimit (neni 17),
 - 4.2. nëse bënë ndonjërrën prej veprimeve të ndaluara nga neni 33
 - 4.3. nëse bënë ndonjërrën prej veprimeve nga neni 48 paragrafi 1 nënparagrafi 1- 18,
 - 4.4. nëse vepron në kundërshtim me dispozitat e nenit 56,
 - 4.5. nëse vepron në kundërshtim me nenin 57 paragrafi 3, 4 dhe 5,
 - 4.6. nëse nuk u përmbahet masave të përcaktuara nga neni 65,66,67,68 ,69,70 dhe 71,

- 4.7. nëse vepron në kundërshtim me dispozitat nga neni 72, 73, dhe 74,
- 4.8. nëse nuk vepron sipas vendimit të drejtorisë së inspeksionit, respektivisht nëse nuk i eviton mungesat në afatin e caktuar sipas neni 75,
- 4.9. nëse nuk e eviton rrezikun nga rrënimi i objekteve i cili është rrezik për jetën dhe shëndetin e njerëzve, të objekteve fqinjë dhe sigurinë në trafik sipas neni 76,
- 4.10. nëse vepron në kundërshtim me dispozitat e (neneve 80, 81, 82)
- 4.11. nëse bënë ndonjërin prej veprimtarive të ndaluara nga neni 90
- 4.12. nëse nuk e bënë dezinfektimin e nyjeve sanitare dhe gëlqerosjen e tyre të paraparë me nenin 95;
- 4.13. nëse vepron në kundërshtim me dispozitat e nenit 98;
- 4.14. nëse nuk u përmbahet masave të caktuara nga nenet 105, 106, 107, 107 dhe 111
- 4.15. nëse bënë ndonjërin prej veprimeve me të cilin nuk respektohet neni 119,
- 4.16. nëse nuk u përmbahet masave të përcaktuara nga neni 127,
- 4.17. nëse nuk respektohet neni 133,
- 4.18. nëse bënë ndonjërin prej veprimeve të ndaluara nga neni 136 ,
- 4.19. nëse gjatë paraqitjes së shenjës së komunikacionit nga ana e inspektorit komunal në “STOP-INSPEKTORI” vozitësit e automjeteve të rënda nuk ndalen dhe nuk i ofrojnë shënimet e kërkuara nga inspektori (neni 140).

Neni 149

Sanksionet e lehta kundërvajtjese

- 1. Denohet me gjobë në shumën prej 10€ deri 100€ për kundërvajtjen e kryer sipas paragrafit 4 të këtij neni personat fizik dhe personat përgjegjës të personit juridik,
- 2. Denohen me gjobe në shumën prej 30€ deri 250€ për kundërvajtjen e kryer sipas paragrafit 4 të këtij neni personat fizik që ushtrojnë biznes individual,
- 3. Denohen me gjobë në shumën prej 100€ deri 1.500€ për kundërvajtjen e kryer sipas paragrafit 4 të këtij neni do të ndëshkohen personat juridik .
- 4. Kundërvajtjet me gjobë si në vijim:
 - 4.1. nëse vepron në kundërshtim me dispozitat nga neni 32.
 - 4.2. nëse i shfrytëzon sipërfaqet publike të gjelbra jashtë destinimeve të tyre themelore pa leje nga organi kompetent (neni 41 paragrafi 2),
 - 4.3. nëse bënë ndonjërin nga veprimet e ndaluara nga neni 52 ,
 - 4.4. nëse vepron në kundërshtim me dispozitat nga neni 55,
 - 4.5. nëse bënë ndonjërin prej veprimeve të ndaluara nga neni 65,
 - 4.6. nëse nuk u përmbahet masave të përcaktuara nga neni 72,
 - 4.7. nëse vepron në kundërshtim me dispozitat nga neni 75 dhe 76,
 - 4.8. nëse vepron në kundërshtim me dispozitat nga neni 88 dhe neni 90,
 - 4.9. nëse nuk e bie terrenin në gjendje të mëparshme të rregullt në sipërfaqen e rrëmihur të paraparë sipas nenit 105,
 - 4.10. nëse vepron në kundërshtim me dispozitat nga neni 115,116 dhe 119,
 - 4.11. nëse vepron në kundërshtim me dispozitat nga neni 122 dhe 123 ,
 - 4.12. nëse nuk u përmbahet masave të përcaktuara nga neni 127,
 - 4.13. nëse nuk u përmbahet masave të përcaktuara nga neni 133,
 - 4.14. nëse bënë ndonjërin prej veprimeve të ndaluara nga neni 137 ,

Neni 150
Dispozitat ndëshkimore për minorentët

Për kundërvajtjet e caktuara me këtë rregullore, të cilat i bëjnë jo madhorët, të rinjtë, atëherë me gjobë do të dënohen prindërit e tyre, respektivisht kujdestarët.

Neni 151
Gjobat mandatorë

Për kundërvajtjet nga nenet: 33, 48, 54, 64, 81, 82, 97, 98, 99, 115, 116, 117, 119, 120, 121, 122, 127, 131, 132, 133, 134, 136, 137, 137 dhe 140, inspektorët komunal kanë autorizime të shqiptojnë dënime (gjoba) mandatore në shumë prej 50 € për persona fizik dhe persona përgjegjës të personit juridik.

Dispozitat kalimtare dhe përfundimtare

Neni 152
Zbatimi i rregullores

Për zbatimin e kësaj rregulloreje do të kujdesen Drejtorit përkatëse, Ndërmarrjet Publike , Kompanitë e kontraktuara dhe Policia.

Neni 153
Konflikti, ndryshimi dhe plotësimi i rregullores

1. Në rast se dispozitat e kësaj rregulloreje bie ndesh me dispozitat e ligjeve të aplikueshme do të vlejnë dispozitat e atyre ligjeve.
2. Për ndryshimin dhe plotësimin e kësaj rregulloreje do të zbatohet procedurë e njëjtë me mënyrën siç është miratuar kjo rregullore. Zbatimi praktik i kësaj rregulloreje, mund të rishikohet dhe të iniciohet, ndryshimi dhe plotësimi i saj nëse është e nevojshme, pasi të ketë kaluar afati prej gjashtë (6) muajsh nga dita e miratimit të saj nga ana e Kuvendit të Komunës së Fushë Kosovës.

Neni 154
Shfuqizimi

Me hyrjen në fuqi të kësaj rregullore shfuqizohet Rregullorja për Shërbimet publike Komunale Nr.26 të datës 12.03.2013.

Hyrja në fuqi

Kjo rregullore hyn në fuqi 15 ditësh pas regjistrimit në regjistrimin në zyrën e protokollit elektronik të Kuvendit Komunal të Fushë Kosovës.

Nr. _____
Fushë Kosovë _____ 2022.

Kuvendi i Komunës,

Ali Ismaili- Kryesues